


ورجھنالتج .. تانج يا سينا

لوسي يعقوب
، بنت سيناء ،



لوسى يعقوب
« بنت سيناء »

ولجئنا إلى .. تانج يا سيناء

مسرحية فولكلورية غنائية

تمثل المرحلة الانتقالية .. الى
مرت بها سيناء الغالية .. ثم ..
لتحرر في ٢٥ أبريل ١٩٨٢ .

« بالحب .. والسلام »

مقدمة

حكايتى .. مع سيناء :

كانت حكايتى مع سيناء .. نغمًا .. وألمًا .. دموعًا ..
وأملًا .. غابت عني .. وطال غيابها .. وطال بي الشوق ..
وهاج بي الحنين .. فناديتها .. وناجيتها .. على البعد :
متى .. متى يكون اللقاء ..؟
يا عشق قلبي . يا أرض سيناء ..
فراق .. طال .. وطال ..
متى .. متى أحتضن الرمال .
وأقبل منك . تبرأ ..
هو .. مهجتي ..
هو .. حبي ..
هو .. حنيني ..
هو .. لهفتي .

...

وناديت .. بالعودة .. وبالحرية .. ؟

الحرية .. الإنطلاق .. بلا حدود ..

بلا إختناق ..

بلا .. قيود ..

أمرح .. فى أرضى .. فى وطنى ..

بلا سلاسل ..

تخنقنى ..

تطوقنى ..

تكبلنى ..

بأسار من حديد ..

ينزاح هذا الكابوس .. عن صدرى ..

وأعـود ..

وأعـود ..

وأعـود ..

• • •

وعادت .. سيناء

ثم عادت .. وعادت ..؟

وما بين الغياب والعودة . احتضنتها بكتاباتي ..

كتاباتي التي عانقت كل حبة رمل . من رمال سيناء ..

كلماتي التي كانت تتمزق وسط لهيب الشوق ونار

الاحتراق ..

وعادت سيناء ..

وعادت سيناء .. وتخيّلها قلّمي .. حبيباً عائداً ..

خلّفته نبضات قلبي .. وسكبته أنات مشاعري ..

كلمات تتدفق حباً .. من قلم ينتفض شوقاً ..

إلى الحبيب الغائب .. الذي عاد ..

عاد مرتفع الهامة .. عزيز النفس .. أبى الكبرياء ..

وكان لقاء .. فى سيناء ..

...

لوسی یعقوب

العودة إلى سينا



دار المعارف

لقاء فى سيناء

وعدت إلى . يا حبيبى ..

بعودة سيناء ..

وكان عودتك .. كانت

مشروطة .. بشرط جلاء ..

محدد .. بموعد .. وميعاد .. بلقاء ..

فى أرض .. فى ربيع .. فى نبع .. من صفاء ..

فى شمس . فى نور .. فى ومضة .. من ضياء ..

وحضن .. دافئ .. وظل نخيل .

وبحر .. أزرق .. وسماء ..

وضمة فى أرض موعود ..

بلقاء .. فى أحضان

سيناء .

لوسى يعقوب

« بنت سيناء »

شخصيات المسرحية

نادر - هشام - عصام	ثلاثة مهندسين
كريمة	زوجة هشام (حضرية)
ريم	خطيبة نادر (حضرية ولدت بسيناء وتمثل المرأة الجديدة ، وسيناء الجريحة .
حمدان - زيدان	إعرابيان - خائنات (من البدو)
بهانة وفرحانة	(بدويتان) زوجتا حمدان - وزيدان
شيخ القبائل (الشيخ سلمان)	رئيس القبائل البدوية فى سيناء الجنوبية
بدوية	(إعرابية) زوجة شيخ القبائل سلمان
راقصة بدوية (إعرابية)	
أعراب - ويدو	١ - الشيخ وهدان
(شيوخ القبائل) من القبائل	٢ - الشيخ عبد القادر
	٣ - الشيخ عبدون
	٤ - الشيخ القرمانى
	٥ - الشيخ أبو العزيز
شباب .. وشعب سيناء الأصيل	
عمال - المصانع	
زراع - الأراضى الزراعية .	
, مجتمع صناعى .. وزراعى .. متكامل ,	

مسرحية

ورجعنا لك .. تانى يا سينا

أوبريت غنائية فولكلورية « من واقع أغاني سيناء »

بيان المسرحية :

رواية .. من خمسة فصول .. وعشرة مشاهد .. ترمز إلى « سيناء » ، التى ظلت مخنوقة إلى فترة زمنية .. وتخلصت من اختناقاتها .. بالحب .. والسلام .

- **ريــــــــــــــــم** : تمثل سيناء المظلومة .. سيناء الأرض المخنوقة . الأرض الطاهرة .. الصامدة .
- **حمدان وزيدان** : يمثلان الغدر .. والخيانة .
- **الشيخ سلمان** : يمثل المبادر .. والمبشر بالسلام .
- **نادر وهشام وعصام** : يمثلون أبطال مصر .. نسور النصر .
- **بهانة وفرحانة** : تمثلان الصمود .. والإصرار للمرأة البدوية السيناوية .. الصامدة الواثقة من النصر فى النهاية .
- **كــــــــــــــــريمة** : صورة للمرأة المصرية الجديدة .. التى تقوم من كبوتها .. ومن صدمتها .. وهى أشد ما تكون إصراراً . للوقوف بجانب زوجها .. لإعادة التعمير .. والبناء .. والتنمية فى ظل السلام .

نادر وهشام وعصام .. ثلاثة مهندسين فى مصنع
للخامات بسيناء .. سيقوا منه .. والبنادق فى ظهورهم .
لكل واحد منهم قصة :

نادر : كان فى ليلة فرحه على ريم . أخذوا منه ريم حبيبته ..
واعتقد أنها قتلت .

عصام : كان العمل فى دمه .. وأخذ منه مصنعه .
هشام : رأى ابنته الطفلة سميرة .. تموت أمامه وزوجته كريمة ..
تصاب بفقدان الذاكرة .

فر الثلاثة من الاعتقال . ولجأوا إلى شيخ قبائل البدو « الشيخ
سلمان » وتذكروا فى زى الأعراب . وانحنى كل واحد منهم على
الأرض الغالية .. يأخذ حفنة من رمال سيناء .. الطاهرة .. ويضعها
كل واحد منهم فى منديل إلى جوار صدره .. وأقسموا قسماً فيما
بينهم .. أن يعيد كل منهم حفنة الرمال إلى مكانها من الأرض
المقدسة .. بعد أن يتحقق النصر .

ريم : .. خطيبة .. نادر .. اختطفها الإعرابيان الخائنات - حمدان
.. وزيدان - وخبأها فى خص بعيد لغرض فى نفسيهما .

حمدان .. وزيدان : إعرابيان خائنات بلغا عن المهندسين ..
واختطفوا ريم .. خطيبة نادر .

فرحانة وبهانة : زوجتا حمدان وزيدان .. صممتا على فضح أمر
زوجيهما .. للانتقام من حبهما لريم .. وخيانة الأرض . والعرض ..
تتشاوران .. وتجمعان بشيخ القبائل « سلمان » .

ذهبت الزوجتان الإعرابيتان إلى شيخ القبائل - الحاج سلمان - وأبلغتا عن زوجيهما .

اجتمعت القبائل البدوية .. لمحاكمة حمدان .. وزيدان .. وقرروا قتلهم .

فى هذه اللحظة .. حدثت المعجزة .. وأعلنت بشائر السلام .. وتم النصر .. ورفعت الأعلام على سيناء .. بالحب .. والسلام .

قرر شيخ القبائل أن يعفو عن حمدان وزيدان .. بالسلام والمحبة .. كما عادت إليهم أرضهم .. بالسلام .

أعاد نادر وهشام وعصام .. حفنة الرمال .. إلي مكانها .. من الأرض الغالية .

عادت بهانة وفرحانة .. إلى زوجيهما .. حمدان وزيدان .. بعد أن تابا واستغفرا .. أمام شيخ القبائل .

عادت كريمة إلى بيتها .. وزوجها .. ليبنيا بيتهما من جديد .

عادت ريم إلى نادر .

أقيمت الأفراح والاحتفالات لفرح نادر وريم .. وأفراح سيناء .

المشاهد كلها .. يغلب عليها الطابع البدوى . والملابس البدوية .. والأغاني .. بالربابة .. والدفوف والسيوف .

يلاحظ رقصة « الحاشية » ، وهى رقصة بدوية معروفة فى سيناء .. والراقصة بدوية .

الفصل الأول

الفصل الأول

الحشر الأول

.. ضوع خافت ..

، المسرح ظلام .. نادر وهشام وعصام . يحنون
رؤوسهم .. يقبلون رمال سيناء .. ثم يرفعون
رؤوسهم .. والدمع فى عيونهم . ويبد كل منهم
حفنة من رمال سيناء . يرفعون وجوههم إلى
السماء ، .. ويقولون على التوالى :

عصام : تبرأرضى الغالى .. أبداً .. أبداً .. مش حيهون
على .. وإذا كنت إنهاردة .. مش قادر أرفع راسى ..
لكن .. بكرة .. بكرة يا أرضى .. حترجع لك ..
الحفنة دى .. فى مكانها الغالى .. وأنا رافع راسى ..
ورافع رايتى .. وأرجع تانى لشغلى .. هنا .. فى
مصنعى . اللي بنيت بهرقى . ودمى .. هنا تانى ..
حبنى من تانى .. تانى يا سينا .. وأبقى افتكرى ..
وافكرنا .. وفكرنا .

هشام : قلبى .. قلبى المحروق .. مين يطفى ناره .. يا ريت
كان على شغلى ويس .. يا ريت كان اللى كان .. ده
مش شغلى .. ده ذلى .. دى كرامتى .. دى حياتى ..
بيتى وبنتى .. اللى كانت معايا هنا .. بنتى اللى
راحت فى لحظة جبن .. آه .. آه .. أنا وهى ..
وكريمة .. بنتى سميرة .. مراتى كريمة .. طلعا
كدة .. غصب عنا .. وفى لحظة .. كان جسمها
الصغير .. قدام عينى .. بيرفرف يا عينى ..
بيغزف .. وبين إيدى .. وقدام عينى .. ماتت
سميرة .. وكريمة لحد دلوقت .. كريمة .. لسة فى
المستشفى .. نسيت عمرها .. نسيت اسمها .. مافيش
عندها غير سميرة .. سميرة .. وأنا باحلف وبنادى ..
بدمى يا بلادى .. أدبك اللى فاضل من روحى ..
ومن عمرى .. وأرجع لك شوية الرمل دول .. هنا ..
مكان بيتى .. ومكان بنتى .. بنتى اللى مدفونة
هنا .. فى الرملة الطاهرة .. رملتك يا سينا ..
حنطيك .. وندفيك ونرجع لك .. تانى أراضيك ..
ونرفع راسك وراسى يا سميرة .. وترجعى لنا تانى
يا كريمة .. هنا .. هنا فى سينا .. فى بيتك
يا كريمة .. تانى يا سينا .. وابقى افكرينا . وفكرينا .

(نادر .. يحتضن الرمال ويقبلها .. بدموع
الشجن والأنين .. ولوعة القلب .. والحب ..)

نــــادر : ريم .. ريم .. يا تري انت فين دلوقت .. يا ريم ..
فينك يا نور العين .. يا زهرة سينا .. فين الأمل ..
اللى بنيناه .. فين الحب .. اللى زرعناه .. فين
المستقبل اللى كان قدامنا نور .. هنا .. هنا .. فى
الحقة دى .. كانت ليالينا .. وفى الحقة دى .. كانت
أغانينا .. فاكرة .. فاكرة .. يا ريم .. فاكرة .
(بهيم نادر فى خيالاته .. يسترجع ذكرياته ..
ويتخيل صوت ، ريم ، وهى تغنى ..
تسمع موسيقى خافتة .. من وراء الستار .. ليصل
صوت ريم بعيداً . بعيداً هائماً ..)

ريــــــــم : حبك يا سينا .. من حب حبيبي ..
بحبك يا سينا .. وبحب حبيبي ..
حبيبي يا سينا .. من أرضك يا سينا ..
حنبنى حياتنا .. فى أرضك .. وبيتنا ..
فى جنة .. جمالك
وحضن .. رمالك .
تبر .. وذهب
تبر .. وذهب ..
(صوت ريم تغنى)

— يا جنة بلادنا .. يا حلوة يا سينا ..
يا حلوة يا سينا ..
يا حلوة يا سينا ..

نادر : آه .. آه يا قلبى آه .. آه يا حبيبى .. آه .. آه يا أرضى
آه .. كل ده يروح .. كل ده يروح كدة فى لحظة
غدر .. فى لحظة ظلم .. فى لحظة واحدة .. يضيع
الحب .. تضيع الأرض .. تضيع منى .. ريم ..
(نادر يستمر بألم وحزن)

— الفرح كان يومها .. الفرح كان يومها .. وإيه اللي
حصل .. ما اعرفش .. ريم وقعت وأنا أهه .. مكان
النار فى قلبى .. وفى رجلى .. والأرض أهيه قدامى
.. وتبرك أهه يا سينا .. وحقك .. ودمى .. ودمك
ياريم .. لترجع الرملة دى فى مكانها .. مالأرض
الغالية .. وأنت معايا .. معايا ياريم .. لكن .. أنت
فين عايشة ياريم .. لا .. لا .. ده قسم يا أرضى ..
ياحبيبى .. يابلدى .. ياغالية على .

(الموسيقى الخافتة الحزينة والأضواء
الخافتة .. تستمر .. باستمرار .. مناجاة نادر ..
وصوت غناء ريم ..)



الفصل الأول

الحشر الثاني

ریم فی الأسر .. فی خیمۃ حمدان . مربوطة الیدین ..
والساقین .. محاصرة بالخارج من حمدان .. الذی خطفها
.. حینما كانت جریحة .. ملقاة على الرمال .. وسجنها فی
خیمتها .. بعيدا .. بعيدا .. لغرض فی نفسه .. کان
یحبها .. ویشتہيها .. وهی لاتحب سوى (نادر) .
- تنظر إلى السماء .. تنادی الرحمة والعدل .. والخلص
من الأسر .. والذل .. والعار ..

ریم : نادر .. نادر .. فین أرضك یانادر .. یا ابن سینا ..
یا ابن أرضی .. یا ابن بلدی .. فین حبك یانادر ..
یَدینی القوة .. ویشد جلدی .. آه .. آه .. الصبر
یاربى .. الصبر .. یاللی رضیت باللی أنا فیہ ..
واللی ایمانی بیک .. هو اللی مخلينی أعیش .. وکلی
أمل أشوف بلدی .. رافعة راسها . رافعة رايتها ..
وانت معایا .. یا ابن بلدی .. یانادر .
(دموعها تنهمر بكاؤها سخین تنهنه بلوعة)

— صوتك فی ودنی .. یا حبيبی .. وانت فرحان
بالدنیا .. اللی كانت جنة .. فرحان بأرضك ..
وبلدك .. فرحان بشغلك .. وأنا جنبك .. یانادر ..
كنت ایدك .. وقلبك .. وحبك .

(يزداد بها الإنفعال .. تصرخ ..)

ريم : مستحيل .. مستحيل الحب ده كله يضيع ..
مستحيل .. الإيمان ده كله يروح .. مستحيل إن رينا
بيرضى بالذل والظلم .. رينا عادل .. رينا ناصر كل
مظلوم .. انصرنى يارب .. انصرنى .. رجّع لى ..
حبيبى .. وبلدى .. وأرضى .. انت يارى .. الى
سامعنى .. وعارف الى فى قلبى ..

(يدخل حمدان - الإعرابى الخائن - المغتصب -)

حمدان : انت يابت مش حتبطلى زن .. عايزة إيه .. ؟
باعرض عليك الفرع .. باديك الأمان .. باديك
الهناء .. باديك اسمى .. باديك نفسى .. مش جارية ..
ولا مسيبة .. زوجة لسيد الرجال .. حمدان .
(يشوح بيديه .. ويصيح)

- يطلع إيه نادر بتاعك ده .. الى عمالة تناديه .. يطلع
إيه .. غير كلب أجرب جبان ..

ريم : اخرس .. اخرس انت يا جبان .. يا خاين .. يا بايع
أرضك وبلدك .. نادر سيد الرجال .. عربى أصيل ..
من أرض النيل .. ابن بلدى .. وحتة منى .
(ريم تستمر .. بغضب شديد)

- انت الى تطلع إيه .. يامغتصب .. ياسارق ..
يا جبان .. لك يوم .. لك يوم يا حمدان .. وأنا شايفة
اليوم ده قدامى .. قريب .. قريب قوى .. وانت
جسمك متعلق بين السما والأرض .. وشك كله تراب
الذل .. والعار .. يا جبان .. يا خاين .. يا حمدان .

(حمدان .. يصفعها بشدة .. ويركلها بقدمه ..)

حمدان : اخرسى .. اخرسى يا ملعونة .. انت ونادر ..
وأرضك .. وبلدك .. وسينا .. دى أرضنا .. وبلدنا ..
ومش حتشوفى ترابها .. ولا تشمى هواها .. ولا تشوفى
سماها .. غير وانت معايا .. معايا ويس .. فاهمة ..
فاهمة .. رضيت .. ولا مارضيتيش بالذوق بالعافية
بالحرب .. بالسلام .. انت ملكى .. احنا
ماتعودناش .. عالكلام . احنا اللى عايزينه ..
بناخده .. كده . بالغدر بالقوة .. بالمكر .. بالعافية
.. ناخذ اللى عايزينه .. والسلام ..

(يقهقه بصوت عال . ويستمر)

— حتكترى على أنت ياست ريم .. يابنت سينا ..
أراضيك .. هى أراضينا دلوقت .. يعنى انت ملكى ..
زى ما .. سينا .. ملكى ..

(يهجم عليها .. وفجأة .. يدخل زيدان .. وهو
رجل .. كثير المكر .. والدهاء .. والإثنان
يتصارعان من أجلها ..)

(بخبث ولؤم ..)

زيدان : إيه الرمة دى يا حمدان .. اللى بتضيع وقتك معاها ..
يا شيخ فوق .. فوق .. وتعالى نشوف إيه حنعمل فى
الحاجات اللى أخذناها .. تعالى يا شيخ .. تعالى ..
الصبايا كثير .. والأيام جاية .. سيبك مالرمة دى ..
سيبك دى اسمها .. ريمة ، يعنى .. رمة ..

(يخرج حمدان وزيدان .. بعد أن يلقيا
نظرة والهة على ريم ، ريم تركع .. ترفع
عينها الى السماء .. تبكى من شدة الفرح ..
والخلاص من هذا المأزق .. وتنشد ..)

ريم تغنى : بشراك .. يارب بشراك ..
يوم الخلاص .. قريب ..
بشراك ..
يوم الفرج .. قريب ..
بشراك ..
بشرى النصر ..
بشرى .. لمصر ..

(ريم تستمر فى الغناء بفرح وأمل ..)

— شايقة النور .. قدام عينى ..
شايقة سينا .. بتنادينى ..
أرفع راية مصر .. الخضرا ..
يوم النصر .. يوم البشرى ..
بشراك .. يارب .. بشراك ..
يوم الخلاص .. قريب .. بشراك ..
يوم الفرج .. قريب .. بشراك ..

الفصل الثاني

الفصل الثاني

الحشهر الأول

فرحانة .. وبهانة .. تجلسان معا .. تتشاوران .. فى
أمر زوجيهما .. حمدان .. وزيدان .

فرحانة : وأخرتها .. يا بهانة ..
بهانة : عارفة .. عارفة يا فرحانة .. أنت بتقصدى إيه .
فرحانة : ودى حاجة تستخبى .. الملاعين .. طيرت عقلهم
الصبية .
بهانة : والأأكادة .. إنه ولا حاسس بى .. يعنى زيدان ..
ولا هو هنا . عقله طار .
فرحانة : أصلها حلوة .. حلوة قوى يا بهانة .. معذور .
بهانة : يعنى حنسكت على كده .. ونبص نلاقيهم طاروا
منا .. ورمونا زى الكلاب .
فرحانة بانزعاج : نسكت . لا .. نسكت ازاي .. ونخرب بيوتنا ..
ونضيع رجالنا .. مش كفاية اللي ضاع من عمرنا ..

ومن أرضنا .. كفاية . كفاية ظلم .. وعذاب ..
كفاية .. كفاية .. يعنى احتلال .. وخراب ..
واغتصاب .. وبعد ده كله .. ييجى راجلى .. يخلص
على . ويرمينى .. ويجيب بنت قد ولاده .. لا هى
من توبه .. ولا من شكله .. يا ناس .. يا ناس ..
إيه الجنان ده .. هى الرجالة لما بتكبر .. بتعقل
ولا بتتجنن ؟.

بهانة : الظاهر كده يا فرحانة .. طب انت حمدان ..
ماسك روحه .. ومخبى اللى جواه .. وأهو .. لسه
راجلك .. وشاريك .. لكن الدور على أنا .. أنا اللى
زيدان همكلى خالص .. مش قادر يشوفنى واصل ..
وعينييه زايغة وسهتانة .. وتايه .. وطالع داخل يلف
حوالين الخص اللى هناك .. البعيد اللى ورا الجبل ..
رايح جاى .. يلف حواليه زى المجنون .. ومتهيا له
انى أنا .. مش عارفة ولا داركة .. ولا فاهمة ..
هيه .. أنا عارفة .. وداركة وفاهمة كل حاجة ..
مخبى هناك البت البيضة الحلوة .. خطيبة
الباشمهندس .. اللى طخوها يوم فرحها .. وخدوا منها
عريسها .. الجدع .. الشهم .

فرحانة : ما هى كمان غلبانة .. ذنبها إيه .. يجرى لها كل
ده .. يعنى ناقصها زيدان .. ولا حمدان .. دى بنت
متنورة .. وأصيلة .. غيرش إن هما الرجالة اللى
عينهم زايغة ويريدوا يكوشوا عالدينيا كلها .. تمام ..

تمام .. زى اللى احتلوا أرضنا .. وحرقوا قلوبنا على
ديارنا وأولادنا .. أهم كدة .. حمدان وزيدان .. من
نفس الصنف .. الغدار .. ما يكفنيش فيهم .. إلا النار .
بهـانة : والنار حتعمل إيه .. لما نموتهم يا فرحانة .. حيفضل
لينا إيه ؟. يبقى ضيعنا كل حاجة ؟.
فرحانة : أمال حتعمل إيه ؟. حنسكت عالمصيبة دى ؟ والأكادة
إنهم الاتنين .. بيتخانقوا عليها .. يا ترى ..
حيقسموها نصين .. هى أرض .. ولا بيعة .. ولا شروة
.. المجانين .. كل واحد فاكرا إن التانى مش عارف ..
وبيضحكوا على بعض .. ويعدين لا بد .. واحد منهم
حيقتل التانى .. عشان يستفرد لوحده .. بالبنية ..
بهـانة : وإيه الحل .. يا فرحانة .. إيش العمل ؟.

(فرحانة تفكر وتقول بعد برهة)

فرحانة : نتدبر .. نفكر .. نشوف حتعمل إيه .. عشان ما
نتخلص مالبت اللى حتخرب عشنا .. أكثر ما هو
مخروب .. نريد حل .. يرجع لنا رجالنا .. كدة ..
كدهو .. بالسلام والأمان ..
آه .. آه .. مفيش أحسن من كدة .. إنما نضرب ..
ونتخانق .. حنخسر كل حاجة فى النهاية .. مانتيش
شايقة اللى جرى لنا هنا فى سينا .. غدروا بينا ..
واحتلوا أراضينا .. ومين عارف إيه كمان راح
يجرى .. مين عارف .

بهانة : حيجرى كل خير .. أنا شايفة البشرى هالله ..
والفرحة طالله .. يا فرحانة .. بس نفكر ازاي نرجع
رجالنا .. ازاي ..

(فرحانة تقفز من الفرع وتصيح)

فرحانة : لجبتها .. لجبتها .. لجبتها !
بهانة : ايش .. ايش يا فرحانة .. ايش دى اللى لجبتها !
فرحانة : بينا عالشيخ سلمان بينا .. هو اللى يشوف له صرفة
معاهم . بينا ..

بهانة : واه .. واه .. والله فكرة .. بينا .. بينا يا فرحانة .

(بحزن وبفرح .. تسير بهانة وفرحانة فى طريقهما
إلى خيمة الشيخ سلمان .. وهما تندبان)

— ليش يا حمدان .. ليش يا زيدان ..
كان اللى كان .. وكان ..
الأرض يا حمدان .. الأرض يا زيدان ..
مش أفضل .. مالنسوان ..
ليش يا حمدان .. ليش يا زيدان ..
كان منكم .. اللى كان ..
تروحوا للغريب ..
وتجافوا الأهل .. والحبيب ..
يا ريت اللى جرى .. ما كان ..
يا ريت .. اللى جرى .. ما كان .

• • •

الفصل الثاني

الحشهر الثاني

حمدان وزيدان يجلسان فى ركن من الصحراء .. تحت
ظلال النخيل يخططان .. للإيقاع .. بالمهندسين الذين
لا يعرفان عنهما شيئا .. وكل منهما .. يضمّر الشر
للآخر .. ولم يلاحظا الغلام ، حمد ، وهو مختبئ خلف
شجرة نخيل .. يسترق السمع !.

حمدان : إيش حالك يا زيدان ؟.

زيدان : هيه .. والله الحال .. ما هو ساير ..

حمدان : حتخبى على أخوك .. حمدان ..

زيدان : ايش اللى حاخبيه .. يا حمدان .. ما انت دارى ..
بالبير .. وغطاه .

حمدان : لا .. يمكن أنا دارى بالبير .. لكن غطاه ده .. اللى
فى عجلك انت يا زيدان ..

(بغضب شديد وانفعال)

زيدان : إيش تجصد يا حمدان .. وضّح .. تجصد إيش .. انت

بتلاوع . بتلاوع .. يعنى .. إيش عارف البير ..

ومش عارف الغطا . تجصد إيش بالكلام ده ؟.

حمدان : انت فاهم جصدى كويس .. البير هو انت .. والغطا ..

اللى انت مدّكن عليه ..

(يقف زيدان ويرفع يده يحاول أن يضرب
حمدان .. وهو يصيح)

زيدان : إيه معنى كلامك ده .. يا حمدان ؟ .. إيش معناه ؟ ..
فهمنى ؟ ..

حمدان : معناه واضح .. واضح جوى يا زيدان .. واضح زى
الشمس اللي جدامنا .. واضح زى النهار ..

(زيدان يمسك به ويقول)

زيدان : ما هو .. يا تفسر .. يا تصمت ..

حمدان : وده شئ عايز تفسير ؟ ..

زيدان : أيوه عاوز .. فسر .. ولا تخاف ..

حمدان : وما تلوم .. إلا نفسك ؟ ..

زيدان : لا ألوم نفسى .. ولا ألوم نفسك .. الوضوح فى الأمور
دى أفضل .. وأسلم ..

حمدان : زين كلامك .. يا شيخ العريان .. زين ..

زيدان : هيه .. اتكلم .. خالصنا .. بجى .. خالصنا ..

حمدان : حاتكلم .. واللى يصير .. يصير .. لازم نرسى لنا
على بر .. فى كل الأمور ..

(زيدان وهو يشوح بيديه ..)

زيدان : وه .. وه .. وه .. هى أمور كمان .. مش أمر واحد ..

حمدان : أمور .. وأمور .. وأمور .. وشى .. وشى .. وشى ؟ ..

زیدان : نبتدى بالواحد .. والثانى .. والثالث .. هيه ؟ ..
 حمدان : اتوكلنا .. على اللى خلجنا . هيه .. أول الأمور ما كان
 منك .. النهيبة اللى نهبتها من بيت المهندس نادر ..
 والمهندس عصام .. والمهندس هشام .. كل اللى
 كان .. دخلت فى الضلام .. والكل مشغول
 بطردهم .. وانت جعدت تحوّل .. وتحوّل .. وتحوّل ..
 وتحوّل .. طول الليل .. ولما صبح الصبح .. كانت
 البيوت كلها فاضية على أعراسها .. وحيطانها ..
 فين .. فين ده كله فين .. فين .. يا زیدان ..
 فين ؟ ..

(زیدان يهب من مكانه .. منفعل)

زیدان : مجنون انت يا راجل .. مجنون .. ده المحتل هو اللى
 خد كل اللى موجود .. وفين راح أخبى ده كله فين .
 الغاصب اغتصب كل شىء .. كل شىء ..
 حمدان : أنا كنت شايفك .. شايفك يا زیدان .. احنا بعد ما
 غدرنا بالمهندسين .. وجرينا بلغنا عنهم للغاصب ..
 وجم ببنا دقهم .. وطردوهم من بيوتهم والبنادج .. فى
 ضهورهم .. هما ما آذوهم .. لكن كانوا بيطردهم من
 بيوتهم .. ومن أراضيهم .. تركتني انت معاهم ..
 وهملت وحدك .. ما لعشية للصباح .. ما رأيك ..
 وفى الصباح .. وجدت البيوت الثلاثة .. خاوية على

عروشها .. يبقى مين اللي فعل الفعله دى ..
وعمل العملة دى .. غيرك .. يا زيدان .. جل لى ..
مين .. مين ؟ .

(ويستمر حمدان بهدوء ويملاينة)

— هيه .. غدرنا بيهم سوا .. يبقى نجسم غنايمهم سوا ..
كدة ولا إيش يا زيدان ؟ ..
زيدان : نتكلم فى الأمور دى بعدين يا حمدان .. هات الأمور
الثانية اللي مخبيها .. هات ؟ ..
حمدان : ريم .. ريم يا زيدان .. ريم .. ناوى لها على
إيش .. هى كمان .. وإيش ناوى عليها .. إيش ..
هيه .. جول .. جول .. يعنى بان المخبى بان ..
وبتلعب على .. وتجول لى .. سيبك مالرمة دى
سيبك .. واللا ناوى تغدربى أنا كمان ..
يا زيدان .. زى ما غدرت بالمهندسين .. جول ..
افصح .. افصح ..

(زيدان بغضب شديد)

زيدان : أفصح .. أفصح على أيش يا حمدان .. كلامك
بيجول .. أنك ناوى عالشر ..
حمدان : الشر .. اللي بتفكر فيه انت يا زيدان .. الشر .. هو
غدرك .. وخداك .. يا راجل .. يا جبان ..

(زیدان ینتفض ویهجم علیه .. ویمسك برقبته)

زیدان : أنا جبان .. یا نذل .. أنا جبان .. یا عرة العربان ..
أنا جبان یاللی الغنم ما ترضی بیک .. فی جطیعها ..
أنا جبان .. آه .. یا ویلک منی .. یا حمدان ..
یا ویلک ..

حمدان : ما جلت انک ناوی عالشر .. الأمور کثیرة .. والبیر
غویطة والطمع مالی جلبک .. والشهوة عمت
عینیک .. یا راجل .. یا أبو عین فارغة ..
زیدان : عینی فارغة .. أنا . یا هفیة .. والله . ما خلی
الصحرا .. تعرف لک طریق ..

- مالیوم .. انت عدوی .. ما صدیجی .. عدوی ..
عدوی .. یا حمدان .. عدوی ..

حمدان : ومن میتی کنت صدیجک یا غادر .. من میتی ..
تفکر انی مش خابر نواياک .. ونوايا اغتصابک لريم ..
كما اغتصبت الأرض .. واغتصبت الدیار .. ونواوی
تزيد فی بلاویک ..

(زیدان .. یتودد .. ویحاول أن یلین غضب حمدان)

زیدان : یعنی یا نجتسم یا نتخانج .. لیش .. لیش کدة یا
حمدان .. لیش ..
حمدان : انت اللی بادی .. ونواوی یا زیدان ..

زیدان : هیه .. نتفق . نتفق أحسن یا حمدان .. ویكون لكل واحد منا .. نصیب .. نتفق ..

حمدان : أول هام .. الرجال المهندسين .. وین هم .. وین .. دول خطر علينا یا زیدان .. خطر لابد نخلص منهم .. ونعرف طریجهم .. ونخلص علیهم .. وبعدين نجسم التركة یا راجل یا طیب ..

زیدان : ویل عجلک یا حمدان .. هوه ده الکلام الصح .. المهندسين الأول .. وبعدين نجسم الغنايم .. والنسا ..

حمدان : لابد وهم مخفيين فی جورة .. هنا .. ولا هنا .. فین .. مانى عارف .. ولا بد وكل واحد فيهم شایل انتقامه .. لأننا كنا السبب .. أنا وانت .. فی اللى حصل لهم .. وكان من مصلحتنا يحصل لهم كدة .. لكن مش من مصلحتنا إنهم يفضلوا عايشين .. یاریت كانت البنادق اطخت فی جنابهم .. یا ریت .. كنا ارتحنا . وهدى بالننا .. وجسمنا غنايمنا .. والبال مرتاح .

زیدان : ویش العمل دلوقت . ویش العمل ..

حمدان : تدور انت من ناحية .. وأدور أنا من ناحية .. ولما نلاقهم .. یبقى فيه حل الختام .. نجتلهم .. ونخلص منهم .. ونقتسم الغنايم .

زیدان : وريم .. ريم تكون لمين .. أنا .. ولا أنت ..

حمدان : یا شیخ .. ریم دی ایہ .. ہی لی .. ولیک .. یعنی
حتکتر علینا حرمة؟ ..

زیدان : معاک حج .. بینا یاللا ندور عالمهندسین الکلاب ..
بینا .. نجتلهم .. ونرتاح منهم ..
حمدان : بینا یا زیدان .. بینا ..

(حمدان وزیدان بمسکان بأیدی بعضهما
ویسیران معاً)

الفصل الثالث

الفصل الثالث

الحشر الأول

خيمة شيخ القبائل ، سلمان ، يجلس هو والمهندسين :
نادر - وعصام - وهشام - المتخفين في زى أعراب .

الشيخ سلمان : كيف الحال .. يا رجال ..
نادر : والله ما يهدا لنا بال .. إلا بعد ما ناخذ بالطار ..
ونمحي العار .. ونرجع كل اللي راح يا شيخ سلمان ..
الشيخ سلمان : احنا ناس مسالمين .. وعملنا اللي علينا .. ردينا
عالعدوان .. ورفعنا رايتنا البيضاء .. ومدينا إيدينا
بالسلام .. وبكرة يتحقق السلام .. يا ولدى ..

(عصام .. بألم .. وحزن .. وانفعال)

عصام : وأرضنا .. ومصنعنا .. حيرجعوا تانى يا حاج ..
واللى راح .. حيرجع تانى ..
(الشيخ سلمان بطيبة نفس وهدوء)

الشيخ سلمان : يرجع .. يرجع يا ولدى .. بعزيمة الرجال .. وهمة الرجال .. وسواعد الرجال .. نبني .. ونبنى .. ونبنى .. ونعمر من تاني أراضينا .. نبني ونعمر .. من تاني .. سينا ..

عصام : وازای نبی .. والإید مشلولة .. وازای نبی والروح
مخنوقة .. ونص أراضيها محتلة .. واحنا هنا ..
متخفين .. لحين الفرج ..

الشيخ سلمان : الفرج من عند الله .. والإيمان هو الفرج .. ومادمننا
مشينا نص المشوار .. وخذنا نص أراضينا .. الباقي
حناخده .. باتفاقية السلام .. اللي مدينا ليهم بيها
إيدينا .. فى نوفمبر الماضى .. واليوم تتحقق
الأحلام .. ويعود اللي كان .. وتصبح سينا كلها
ملكنا .. ملكنا .. وديارنا تعود .. وأهلينا تعود ..
وننسى اللي فات .

(یریت علی کتف عصام ویستمر)

— انسى .. انسى يا ولدى انسى .. الظلم ما بيدوم ..
والحق لازم ينتصر .. انسوا .. انسوا .. يا ولادى ..
انسوا .. ده حق دمكم .. ودم ولاد سينا .. وولاد
مصر .. أبطالنا الشجعان .. الفرسان .. أبطال الجيش
الميدانى .. أبطال حرب أكتوبر .. نسيتوا .. نسيتوا
يا ولادى .. نسيتوا الفدا .. والجهاد .. بالدم .. والروح

كل ده ما يرحش بلاش .. الدم كان فدية سينا ..
والرجال فدوا سينا .. عشان كدة .. رجعت لينا ..
أراضينا .. ويوم ما نرفع العلم .. بإيدنا .. على كل
سينا . وكل شبر فى أرض سينا .. يوم ما يهدا البال ..
ويروج الحال . ويرجع اللى كان .. أحلى ما كان ..
أحلى .. وأحلى .. ما كان ..

(هشام يحلم .. بفرح .. ودموع ..
وآلام .. وأمل .. ويردد)

هشام : المصنع يرجع . والأرض تتعمر .. والبيوت تتبنى ..
والمية تجرى .. والخضرة تخضر .. ومين .. ومين ..
يرجع لى بنتى سميرة .. راحت ضحية الغدر ..
المسكينة .. ذنبها إيه .. الطفلة البريئة .. راجعة
تجيب عروستها تقع قدامى برصاصة .. آه .. آه ..
يا ظلم الإنسان لأخيه الإنسان .. عشان إيه ده كله ..
عشان إيه الطمع .. عشان إيه الجشع .. ليه ما كانش
كل شىء بالاتفاق من الأول .. ليه .. ليه ؟ ..

(عصام يقف ويشوّح بيديه ..)

عصام : إتفاق .. إتفاق إيه يا هشام .. ده القوى بياكل
الضعيف .. والباغى بيمد جذوره .. والشاطر اللى
يلحق ويخطف اللقمة من بق غيره .. اعقل .. اعقل

يا هشام .. اعقل . بكرة كريمة مراتك .. ترجع لك ..
وترجع أيامك الحلوة .. وتجيب سميرة .. ثانية ..
وثالثة ورابعة .. المهم هو .. الصبر ، الصبر ، الصبر
والعزيمة .. والكفاح .. ولما نوصل للنجاح .. كل
شئ بإذن الله حيرج تانى .. زى ما كان .. وأحلى
. وأحلى ما كان زى ما بيقول شيخنا .. وريسنا ..
الحاج سلمان ..

(الشيخ سلمان .. يصفى بيديه وينادى
على زوجته الحاجة بدوية)

الشيخ سلمان : يا حاجة .. يا حاجة .. فين الشاى ؟ ..

(بدوية من داخل الخيمة)

بدوية : حالا .. حالا .. يا سيدنا الشيخ ..

(تدخل بدوية بالشاى والإبريق والأكواب)

(بدوية غير محبة .. تتراجع بسرعة .. الشيخ
سلمان باطمئنان وهو يشير إلى بدوية أن تتقدم)

الشيخ سلمان : صبى الشاى يا بدوية .. دول رجالنا .. منا وعيلنا ..
أهلنا وناسنا .. رجال بحج وحجيج .. ادوا عمرهم كله
لسينا .. ولينا .. ولسة .. حيدوها .. ويدوها ..
ويدوها .. كمان .. وكمان .. وكمان ..
(بدوية تصب الشاى فى الأكواب الصغيرة من
الأبريق .. وتوزعه على الحاضرين ثم تخرج ..)

(فى أثناء رشف الشاى .. يدخل الغلام «حمد»
مسرعاً .. منزعجاً ويهمس فى أذن الشيخ سلمان)

الشيخ سلمان : مالك يا حمد .. فيه إيش يا بنى .. مالك منزعج
كدة .. اتكلم .. اتكلم يا حمد .. ما تخافش يا ولدى ..
ما تخاف ..

(حمد ما زال يهمس وهو لا يعرف المهندسين
المتخفين فى زى الأعراب .. يخرج المهندسون)

حمد : سمعت حمدان وزيدان يتشاوران على قتل المهندسين
اللى كانوا شغالين هنا فى المصنع . وبيدوروا عليهم ..

(الشيخ سلمان بانزعاج شديد)

الشيخ سلمان : الكلام ده تمام يا حمد .. ولا انت جاي تقول أى
كلام ..

حمد : يا سيدنا .. أنا ما أعرف أقول غير الحق .. زى ما
انت علمتنى طول عمرى .. وأنا عارف إنك كنت
بتعز المهندسين قوى وكانوا بيشغلوا معاك .. وبيقعدوا
معاك عشان كدة .. أنا خفت عليهم وجيت أببلغك ..
الشيخ سلمان : وانت عارف المهندسين فين يا حمد ؟

حمد : لا .. لا .. لا أعرف .. من يوم ما حصل اللى
حصل .. والضرب كان شغال .. والمهندسين طلعوا
من بيوتهم .. ما أعرف عنهم حاجة .

الشيخ سلمان : وشفّت حمدان .. وزيدان .. ميتى ؟
حمد : اليوم .. الضهرية .. كانوا قاعدين بيتشاوروا ويتخانقوا ..
ويصطلحوا وبعدين اتفقوا على أنهم بعد ما يقتلوا
المهندسين .. حيفرقوا الغنايم .. ويفرقوا ريم ..

(الشيخ سلمان ينتفض بشدة وبانزعاج يقول)

الشيخ سلمان : ريم .. ريم ..؟ بتقول ريم .. ريم يا حمد ؟ ..
حمد : أيوة يابا الشيخ .. ريم .. بتاعة المهندس نادر ..

(الشيخ سلمان يهز حمد)

الشيخ سلمان : انت بتتكلم بعقل ولا بجنون يا حمد .. ريم ماتت .
ماتت من زمان .. من يوم الضرب ما حصل ..

(حمد باندفاع شديد)

حمد : لا .. لا .. يابا الشيخ لا .. لا .. أنا سمعتهم بيتخانقوا
عليها وبيقسموها بينهم !.

الشيخ سلمان : معناه إيه الكلام ده .. معناه إيه .. يعنى حمدان
وزيدان ورا خراب بيوت المهندسين وورا غياب
ريم .. معقول ده .. ماهو معجول .. ماهو معجول ..

حمد : يابا الشيخ دول كانوا حيدبحوا بعض .. على ريم !.
الشيخ سلمان : وما تعرف هى فين دلوقيت ؟.

حمد : لا .. ما اتكلموش غير عالنهيبة .. الى نهبوها من

بيت المهندسين .. وعلى ريم .. لكن مكانها .. لا ..
لا . ما اتكلموش واصل .

(الشيخ سلمان وهو يربت على كتف حمد)

الشيخ سلمان : حجة يا ولدى .. يا حمد حجة .. لو صح كلامك ..
ولقينا ريم .. تبقى لك الحلاوة .. تمام .. تمام ..

(حمد .. بفرح)

حمد : صح .. صح يا ابا الشيخ .. أنا أدور وراهم .. واعرف
هى فين ..

(الشيخ سلمان بصوت خفيض)

الشيخ سلمان : بس أوعى حد يشوفك .. لا يجطعوك حتت ..
حمد : ما تخاف على .. يا سيدنا .. ما تخاف .. سلام
عليكم ..
الشيخ سلمان : سلام يا ولدى .. يحرسك الله .. ويرعاك .. ويجعل
الفرج على إيديك ..

(يخرج حمد .. ويجلس الشيخ سلمان ..

وحده يفكر بصوت مسموع)

— عجب والله كلام حمد .. عجب .. بقى حمدان
وزيدان هما اللى غدروا بالمهندسين .. وهما الى

سلطوا عليهم العدا .. وهما اللى طخوا النار عليهم ..
وعلى ريم .. من بعيد .. وهما اللى سرجوا بيوتهم ..
ونهبوها .. وما حد عرف مين اللى طخ النار .. كل
ده حصل .. عشان يسرقوا البيوت .. والأعراض ..
وينهبوا .. ويجتلوا .. واه .. واه .. ويلك يا حمدان ..
ويلك يا زيدان .. والبنية الصبية الطاهرة .. يقولوا
عليها ماتت .. ويخطفوها ويخبوها .. عشان فى
النهاية .. يصيبوها .. ويشينوها .. ويدنسوها .. ياللعار
ياللعار .. على رجال الأعراب الخائنين .. ويلهم
كبير .. ويلهم كبير .. كبير .. جوى .. جوى ..

(تدخل بهانة .. وفرحانة .. لخيمة الشيخ سلمان ..
ويندهش الشيخ لمجيئهما .. وخاصة فى هذه اللحظة
التي يفكر فيها فى زوجيهما .. حمدان .. وزيدان)

فرحانة : تسمح .. تسمح يا سيدنا الشيخ .. تسمح لنا ندخل ..
الشيخ سلمان : يا مرحبا بكم .. يا مرحبا بكم .. اتفضلوا .. اتفضلوا ..
فرحانة : يزيد فضلك يا سيدنا الشيخ .

(تدخل فرحانة ومعها بهانة
وتجلسان بجوار الشيخ سلمان)

الشيخ سلمان : إيه الأخبار .. وإيش وراكم ..
(بهانة .. بخجل شديد)

بهانة : الحج .. احنا خجلانين نبوح ..
الشيخ سلمان : تخرجوا من والدكم .. وشيخ العربان .. اتكلموا ..
اتكلموا .. أنا سامعكم ..

(يلتفت إلى بهانة .. وفرحانة)

— هيه .. اتكلمى .. اتكلمى يا بهانة .. اتكلمى .. اتكلمى
يا فرحانة .. ياللا .. أنا ما عندى وجة .. عندى
شئ كبير .. كبير جوى .. لازم أنتهى منه ..
اليوم .. اليوم .. ولا بد .. وينتهى اليوم ..

(فرحانة تلتفت إلى بهانة)

فرحانة : جولى انت يا بهانة ..

(بهانة تهمس لفرحانة)

بهانة : لا .. جولى انت يا فرحانة .. اتكلمى ..

(الشيخ سلمان يصيح بانفعال شديد)

الشيخ سلمان : وبعديش وياكم .. جولى انت .. جولى انت .. ما
تجولوش .. هيه ياللا .. ياللا بجى .. اللى يجول
يجول .. بس خلصونا !

(بهانة بحزن شديد وهى تبكى)

بهانة : حكايتنا ياسيدنا الشيخ ما تنحكى .. ولا تنجال ..
حكاية شين .. وعار ..

فرحانة : ما نجدر نبوح يا سيدنا .. ما نجدر .. لكن الأمر ..
لا بد منه ..

(الشيخ سلمان بنفاز صبر)

الشيخ سلمان : يا جماعة .. خلصونا .. الأمور اتعجدت والبلاد
اتبهذلت .. والأمر لازم له تدبير كبير .. خلصونا ..
خلصونا ..

بهانة : الحكاية تخص رجالنا .. حمدان .. وزيدان ..

(الشيخ سلمان يشهق بدهشة)

الشيخ سلمان : وه .. وه .. وه .. رجالكم ؟
فرحانة : أيوة رجالنا الشين .. رجالنا اللي جلبوا العار علينا ..
وعلى ديارنا .. وعلى أهلنا .. وناسنا .. وسينا ..
رجالنا اللي عايزين يهملونا .. ويتزوجوا غيرنا ..
الشيخ سلمان : أنا مانى فهمان أى شىء .. وضحى يا بهانة ..
وضحى ؟ ..

بهانة : الأمر وما فيه .. ان رجالنا خطفوا ريم الصبية
المليحة .. اللي خفوها .. عشان يجولوا انها اتجذلت
بايد المحتل .. لكن الحبيجة غير كدة .. الحبيجة ان
حمدان وزيدان هما اللي خفوها .. وطبخوا الطبخة ..
وجروها .. وحبسوها .. فى الخص البعيد .. هناك ..
هناك .. ورا الجبل .. وهما ساجنينها هناك .. لغرض
شين .. وشين ..

الشيخ سلمان : كدة .. كدة .. بجى الواد حمد كان عنده حج ..
واه .. واه .. وأنا ما صدجته .. ريم تعيش .. ريم
تعيش لليوم ؟ ..
بهـانة : تعيش لليوم يا حاج .. وإيش العمل ياسيدنا .. إيش
العمل ..

(الشيخ سلمان يؤكد)

الشيخ سلمان : الكلام ده صدق .. صدق ..
فرحانة : صدق .. صدق .. يا سيدنا .. وريناها بعيوننا دول ..
واحنا بنراجع رجالنا .. دول عجلهم طار .. وما
داريين بشى .. غير ريم .. وده ما يرضى حداً ..
رجالنا يضيعوا منا .. ليش .. ليش ؟ ..

(الشيخ سلمان بعد تفكير عميق)
يهمس لبهانة .. وفرحانة)

الشيخ سلمان : روحوا انتوا دلوقيت .. وأنشاء الله .. والله .. خالـج
الكون .. هو اللي يدبر .. ويحل ..

(بهانة وهى تقف)

بهـانة : يعنى نطمئن يا سيدنا الشيخ .. نطمئن . ان رجالنا ..
راجعين لينا ؟ ..

(الشيخ سلمان بثقة)

الشيخ سلمان : اطمنوا .. اطمنوا .. الظلم عمره ما يدوم وما يرضى
حدا .. ما يرضى حدا .. والحج لابد وينتصر .. بس
لا تجيبوا سيرة لحد واصل .. كتموا عالخير لحين ما
نرسى على بر ..

بهانة : أمرك يا سيدنا .. أمرك ..
الشيخ سلمان : خير ما فعلتم .. خير ما فعلتم .. ياللا اتوكلوا
على الله ..

(تخرج بهانة وفرحانة .. يجلس الشيخ سلمان
ساهماً يفكر .. ويحدث نفسه بصوت عالٍ)

— بجى الواد حمد .. جال الكلام الصح .. وربنا تتم
فعله .. وكمله بنسوانهم . لاجل ما يؤكدوا فعلة الرجال
الخوانين الغدارين .. يغدروا ببلدهم .. وإرضهم ..
ورجالهم .. ونسأهم .. وينهبوا .. ويسلبوا .. ويسرجوا
مال .. وأعراض .. يا شين الرجال .. يا شين
الرجال ..

• • •

الفصل الثامن

الحشر الثاني

يرسل الشيخ سلمان في طلب .. رجال القبائل من الأعراب ..
والبدو للتشاور في أمر خيانة .. حمدان .. وزيدان .
وتمتلي الخيمة برجال القبائل .. يدخلون تباعاً .. ويتخذون
مجلسهم على الشلت .. المتناثرة في أرض الخيمة .. على كليم
كبير .

الشيخ سلمان .. يرحب بهم واحداً .. واحداً .. ويدعوهم للجلوس .

الشيخ سلمان : أهلاً بشيخ العربان .. سيد الفرسان .. اتفضل ..
اتفضل .. يا شيخ وهدان ..
(الشيخ وهدان بانزعاج)

الشيخ وهدان : خير .. خير يا شيخ العربان .. خير .. دعوة
عاجلة .. ما نعرف ليش ..
الشيخ سلمان : خير .. انشالله يا شيخ وهدان .. خير ..
(يدخل الشيخ عبد القادر)

— اتفضل .. اتفضل يا شيخ عبد القادر .. اتفضل ..
الشيخ عبد القادر: جلبي ما هو مطمئن على شى يا شيخ سلمان .. خير .
إيه المستعجل يا شيخ . إيه ؟ ..

(الشيخ سلمان .. يطمئن الشيخ عبد القادر)

الشيخ سلمان : بنريد نتشاور فى أمورنا يا رجال .
الشيخ عبد القادر: لكن .. الوجت متأخر .. وما نعرف السبب ..
والصباح رباح ..
الشيخ سلمان : ما فى أحلى مالصبح ياشيخ عبد الجادر .. لكن الأمر
مستعجل ونريد نخلص منه الليلة ..

(يدخل الشيخ القرمانى شيخ قبائل البدو)

الشيخ سلمان : مرحب .. مرحب بشيخ العربان .. مرحب ..
اتفضل .. ده يوم مبارك .. يوم مبارك ..
الشيخ القرمانى : مرحب .. مرحب بيك يا شيخ سلمان .. مرحب ..
إيه اللى حصل ؟. أخبار زين .. ولا شين ؟.
الشيخ سلمان : دلوقيت نتكلم يا شيخ قرمانى ..

(يدخل محمد أبو العزيز .. ثم يدخل الشيخ عبدون)

الشيخ سلمان : اتفضل يا حاج محمد .. مرحب بيك يا شيخ عبدون ..
مرحباكم كلكم .. هيه .. نبتدى دلوقيت ؟.
الشيخ عبدون : نبتدى إيش يا شيخ سلمان ؟.
الشيخ سلمان : موضوع كدة .. نتشاور فيه .. ونرسى له على بر ..
الشيخ عبدون : موضوع .. يهمنى إحنا ؟.
الشيخ سلمان : يهم الأرض كلاتها .. ويهم سينا كلها .. ورجالها
كلهم ..

الشيخ عبد القادر: حيرت بالنأ يا شيخ سلمان .. اتكلم .. افصح ..

(الشيخ سلمان .. بعد تردد طويل .. يقول بحزن)

الشيخ سلمان : الأرض اللي فيها خاين .. واللى فيها .. ما يصون الشرف .. والأرض .. ويحمى الديار والعرض .. لا بد ونبعده عن ديارنا ..

الشيخ وهدان : وضُح .. وضُح يا سيدنا الشيخ .. وضُح ..
الشيخ سلمان : منأنا .. وهوانا .. إيش يا رجال ؟.

الشيخ عبد القادر: نحرر الأرض .. ونصون العرض .. ونرجع اللي فات ونطهرها .. وننصفها مالطير اللي عف عليها ..
ووسخها .. ودنسها ..

(الجميع فى صوت واحد يصيحون)

الجميع : أهو .. أهو اتكلم بلساننا يا سيدنا الشيخ ..
الشيخ سلمان : ولما يكون الخاين بيننا .. إيش يكون العمل ؟.
الشيخ وهدان : نجطعه .. نجطعه تجطيع .. وما نخلى الدبان الأزرج .. يعرف له .. طريق ..

الشيخ سلمان : يبقى اتفقنا .. الرأى واحد .. والشورى واحدة ..
والخاين لا بد .. وياخذ جزاه ..

الشيخ القرماني: مالأرض كلها .. صابها الغدر .. واحتلها غير أهلها .
والجزا .. يكون من نفس العمل ..

الشيخ سلمان : ما دمنا عرفنا الغادر .. نلمه .. ونوجف شره .
وما دمنا عارفينه .. نتركه إيش .. يطيح فى

غدره وشره .. نوجفه عند حده .. ونجطع عليه
طريح الغدر.

الشيخ عبد القادر: لحد كدة .. ما فاهمين شى .. تجول لنا عالخاين ..
مين فى أرضنا يا شيخ ؟.

الشيخ سلمان : من أرضنا .. وعایش فى خير أرضنا .. وخان
ضميره .. وشرفه .. وعرضه .. وبلده ..

الشيخ وهدان : إيش الحكاية .. يا شيخ سلمان .. وضح .. حتى
ما نفهم .. ونجدر .. ونحكم ..

الشيخ سلمان : الحكاية ما تسرعدو .. ولا حبيب .. طلع من
بيناتنا .. رجلين .. ما كنا نحسب لهم حساب ..
وما كنا نتوقع منهم الغدر .. اتآمروا على خراب
البيوت وهتك الأعراض .. وسلب الغنايم .. وده
ما هو من شهامة البدو الأشراف .. ولا من نخوتهم ..
ولا سيماهم ..

الشيخ عبد القادر: يا عار أراضينا .. يا عار أهالينا .. يا عارهم .. يا
عارهم ؟.

(الشيخ سلمان يستمر . بانفعال شديد)

الشيخ سلمان : وما اكتفوا بأنهم غدروا بالمهندسين .. اللى داب
عمرهم فى الأرض .. هنا من سنين .. بل انهم كانوا
السبب فى الوشى بينهم .. للدخيل .. وكانوا السبب فى
طردهم . وتشريدهم .. وأذاهم .. وموت نساهم ..
وأطفالهم ؟.

(الشيخ القرمانى .. يشهق)

الشيخ القرمانى : ما تجول كدة يا شيخ العريان .. ماتجول كده .. واه ..
واه .. واه .. ياشين الرجال .. ياعار الرجال ..
الشيخ سلمان : هوه كده .. هوه كده .. ياشيخ قرمانى .. هوه كده ..
الشيخ عبدون : نريد نعرف الخونة .. نريد نعرفهم .. وياويلهم ياويلهم
من انتجامنا . ياويلهم من انتجام الرجال ..
الشيخ سلمان : وباليتهم فعلوا كده .. وبس .. اللا .. أكثر وأكثر
وأكثر - من كده .. فساد بيرعى فى الجبال .. خراب
بيدمر فى الوديان .. فجر وفسج .. تفشى مع
الدخيل .. وما كفانا ماجرالنا .. حتى يكمل علينا ..
اتنين من رجالنا ..

(الشيخ عبدون يقفز ويشوح بيديه ويصيح)

الشيخ عبدون : اسمهم .. اسمهم يا شيخ العرب .. اسمهم ..

(الشيخ سلمان بغضب شديد)

الشيخ سلمان : هوه كدة . هوكدة . هوكدة .. يا شيخ قرمانى .. ويا
شيخ عبدون .. هوكدة .. هوكدة .. هوكدة .. هوه كدة .. يا
عريان هوكدة ..

(صياح وتشويح من العريان)

الشيخ عبدون : نريد نعرف الخونة .. نريد نعرفهم .. ويا ويلهم .. يا
ويلهم من غضب الرجال .. يا ويلهم ..
الشيخ سلمان : وباليتهم اكتفوا بكدة .. اللا أكثر .. وأكثر وأكثر

(يقاطع العريان الشيخ سلمان .. ويصيح الشيخ عبدون ثانياً)

الشيخ عبدون : اسمهم .. اسمهم .. يا شيخ العريان .. اسمهم .
الشيخ سلمان : حمدان .. وزيدان ..

(يشهق الجميع ويصيح الشيخ عبد القادر)

الشيخ عبد القادر: ما هم من زين الرجال .. عمرهم ما جدموا خير
لسينا .. عمرهم كلهم فسج .. وفساد ..
الشيخ سلمان : لكن الفسج زاد .. الفساد طغى يا عريان . - والشر
استشرى .. هنا .. وهناك .. ولا بد من جمعه .. نعم
لا بد من بتره .. من بتره - من بتره .

(الشيخ وهدان يؤكد ..)

الشيخ وهدان : نعم .. نعم لا بد من جمعه . لا بد .
الشيخ سلمان : والأدهى من كدة .. والأكادة .. إنهم حاولوا جتل
الصبية الطاهرة « ريم » اللي كانت للمهندس نادر في
يوم زفافهم .. طخواها بالنار .. وخفوها في خيامهم ..
في خصمهم .. لآجل أغراضهم الشين ..
الشيخ عبد القادر: وه .. وه .. وه .. هذا ما نصبر عليه واصل ..
ما نصبر .. ما نصبر ..

الشيخ عبدون : دولم وصمة عار فى جبيننا .. يا شيخ سلمان ..
الشيخ سلمان : نعم .. نعم .. ما هم منا .. ما هم من دمننا .. ولا من
توبنا ولا من عشيرتنا .. ولا جبايلنا وما من عربى
يشرفوا .. يكونوا فى أرضنا .. دول آلعن من
الدخيل .. آلعن يا رجال .. آلعن .. احنا ما نسامح
الزانى .. القاتل .. السارق .. ما نغفر أبداً للداعر ..
وما بنجبل حداً فى بيوتنا .. نساهم .. بناتنا .. جم
اتشفعوا عندى .. وطلبوا نخلصهم من فجر رجالهم .

الشيخ عبد القادر: الحج معهم .. الحج معهم .. وإيش العمل .. يا شيخ
سلمان .

الشيخ سلمان : لآجل كدة دعيتكم للمشورة .. كيف يكون
التصرف مع خونة بلادنا .. كيف يكون مع ناس ..
ما لأرض .. شربوا ميتها .. واتضلوا بسماها ..
ونخيلها .. وعاشوا فى جبالها .. ووديانها ..
وأراضيها .. يرعوا أغنامها .. ويدوقوا خيراتها ..
كيف يكون التصرف مع اللى غدر .. واللى خان ..
واللى فجر .. واللى جار ويغى .. وطغى .. كيف ..
كيف يا رجال .. كيف ..

الشيخ عبد القادر: نحاكمهم .. نحاكمهم يا سيدنا .. نحاكمهم ..
ونخلص سينا من عارهم ..

الشيخ سلمان : يعنى موافجين .. نبعت نجيب حمدان وزيدان هنا ..
دلو كيت .. جدامكم ..

(الجميع بحماس وانفعال)

الجميع : موافجين .. موافجين .. كلنا موافجين ..

(تدخل بدوية .. بأكواب الشاي .. تمر بها على الجالسين ..
ويرسل الشيخ سلمان مرسال .. لاستدعاء .. حمدان ..
وزيدان ..)

(بعد فترة .. يدخل حمدان . وزيدان .. لا يعرفان سبب
استدعاء شيخ قبائل العرب .. لهما .. يندهشان للجمع
الحاشد .. من القبائل .. والعريان .

(حمدان بوجل)

حمدان : سلام للعريان ..

(لا يرد أحد)

(زيدان بخوف وتردد)

زيدان : مسا يومنا .. يا عريان ..

(لا يرد أحد)

حمدان : إيه الخبر .. بنهديك السلام .. وما حدا بيرد السلام
.. ما حدا وآه ..

(زیدان یتشجع)

زیدان : داخلین علیکم بالسلام .. وما تجبروا بخاطرنا ..
وتردوا السلام .. إیش یا عربان .. إیش ..
الشیخ سلمان : العربان ما یردوا إلا عالرجال ..
حمدان : لیش العیب والجرح یا شیخ .. لیش ..
زیدان : حج علینا .. اللى جینا ..

(الشیخ سلمان بغضب شدید)

الشیخ سلمان : تیجوا بالأمر .. یا زیدان .. بالأمر ..
حمدان : لابد والأمر فیہ شیء ..
الشیخ سلمان : هو شیء .. وشیء .. وشیء .. یا حمدان ..
(العربان کلها تقف .. وتلتف بحمدان وزیدان کالوحوش الکاسرة .
حارسین باب الخیمة .. ومتحفزین للانقضاض علی حمدان وزیدان ..)

(الموقف غریب .. متأزم ..الکل متحفز .
وموسیقی .. توحى .. بالتنمر .. والثأر تشتد الموسیقی .. وتشتد ..
حتى تصیر کالهدیر .. تماماً مثل غضب العربان)
الشیخ سلمان : رجال العرب .. هینة .. بیریدوا یوضعو لأمورکم
حد ..

(حمدان بخوف یهمس)

حمدان : أمورنا .. أمورنا .. مانى فهمان .. مانى فهمان
شى ..

زیدان : أمورنا ؟ أمورنا .. مانى فهمان .. مانى فهمان شى ..
ما هى أمورنا هى أموركم .. إحنا من أرضكم ..
ومنكم .. ومن ناسكم .. ليش مجلوبين علينا كدة .
ما احنا عدا .. يا عربان .. ؟ ما احنا عدا ..
يا عربان .. ما احنا عدا ..

(الشيخ سلمان .. يقف ويشوح بيديه فى غضب شديد ..)

الشيخ سلمان : وأكثر .. وأكثر ما لعدا .. العدو .. يكون غريب عن
أرضنا .. وديارنا .. غريب عن شعبنا .. وناسنا ..
وأهالينا .. ويفعل ما يفعل ما عليه لوم ولا ذنب .. هو
يفعل .. فى غير أرضه .. هو ينهب .. يسلب ..
يجتل .. يخون .. يغدر .. ما عليه جريرة .
ولا لوم .. هو عدو .. عدو .. ما هو حبيب .. لكن ..
الصديق .. والحبيب .. ابن الأرض .. لما يغدر ..
ده بيصير ألعن ما لعدو .. ده خان أرضه .. وبلده ..
وعشيرته .. وناسه ..

زیدان : ومالنا احنا .. ومال هذا الكلام يا شيخ .. مالنا ..
حمدان : احنا رجال الأرض .. ونسانا منكم .. يا عربان .

(الشيخ سلمان يزداد غضبه .. ويصيح)

الشيخ سلمان : ما انتوا ولاد الأرض - أنتم رجل .. بغيتم ..
واستوطنتموا فى ديارنا .. وأرضنا .. فتحنا لكم
صدورنا .. ورحبنا بينكم .. وأخذتم من نسانا - ومن
جبائنا .. وعشتوا معنا . وبعد ما حصل .. كل ما
حصل .. وبعد ما نلتم كل ما نلتم .. كانت النهاية
إيش .. إيش يا رجال ..

زیدان : كانت زين .. وكانت زين يا إخوان .
الشيخ سلمان : ما كانت زين واصل يا زيدان . ما كانت إلا شين ..
شين يا إخوان .. والله شين وعار .. عار يا زيدان
عار ..

(زيدان بخوف شديد وقد أدرك أن شيخ العربان
قد اكتشف أمر خيانتة)

زیدان : ما تصدج الواشى يا شيخ .. ما تصدق ..
الشيخ سلمان : ما أصدج الواشى .. الواشى ما وشى .. أفعالكم هى
اللى وشت .. وفضحت غدركم يا غدارين ..
يا مفضوحين .

(حمدان .. وهو يرتعش)

حمدان : وإيش فعلنا لغضبتك هادى ..
الشيخ سلمان : الفعل مفعول .. والعمل معمول .. وأنتم بيه داريين ..
حمدان : تقصد إيش يا حاج .. تقصد إيش ..
الشيخ سلمان : أقصد الغنايم يا حمدان - أقصد النهايب والخراب

والسرجة .. والغدر .. والفسج .. يا رجال البدو ..
هادا ما أجصد ..

حمدان : ييجى عندنا حج .. لما نغضب با حاج .. وانت
بترمينا بعار وشين .. ما فعلناه . وما درينا بيه .. وما
نعرف غنايم إيش .. ولا نهايب إيش .. اللي بتجول
عليها يا شيخ سلمان ..

الشيخ سلمان : حج .. أى حج يا راجل يا غادر .. أى حج ..
حمدان : حجنا عندك .. الدخيل ضرب .. والدخيل جتل ..
والدخيل نهب ..

الشيخ سلمان : يا راجل يا شين .. إنت اللي خنت الرجال .. وانت
اللى وشيت بالرجال .. المهندسين .. انت وزيدان ..
لأجل أفعالكم الشين ..

(زيدان .. بمذلة)

زيدان : ما كان لى يد .. يا شيخ العربان .. ما كان لى يد ..
كله .. من فعل حمدان .

(حمدان يهجم عليه بتوحش)

حمدان : يا كاذب .. يا راجل يا ناقص ما انت اللي فعلت كل
ده .. واه .. واه ..

(زيدان بانفعال)

زیدان : أنا كاذب يا حمدان . أنا يا راجل .. أنا .. سامع يا شيخ العربان .. هو اللي كان حاطط عينه على كل شى .. وهو اللي غدر .. وبلغ .. وخان .. هو اللي كان ناوى عالشر والغدر مالبداية .. يا شيخ ..

الشيخ سلمان : ما تجول .. انت ولا هو .. حصل كده .. كيف .. جول .. حصل .. ولا ما حصل ..

حمدان : حصل ..

الشيخ سلمان : والصبية تحاولوا تجتلوها .. وتسبوها .. سبية هى .. ضحية .. ريم بنت الأرض وست الصبايا .. ريم أم الطهر والعفاف ترموها .. تدنسوها .. تسبوها .. واه .. واه .. يا عار الرجال .. النساء نسوانا .. نسا الطهر .. رجال العرب يفعلوا هيك جريمتكم شين ... وفعلكم شين .. وزناكم شين .. وويلكم ويل الولين ..

(زيدان باستعطاف)

زیدان : بلغوك الكذب يا شيخ .. بلغوك الكذب يا شيخ .. بلغوك الكذب ..

الشيخ سلمان : لا تجول كذب .. لا تجول كذب ..

حمدان : مالى يد فى هادا .. مالى يد .. هو اللي عينه عالصبية .. هو اللي كان عينه عليها .. وفعل فعلته .. وخباها ..

الشيخ سلمان : يا ويلكم .. يا ويلكم . من غضب الله .. يا ويلكم .. تفتطروا جلب المهندس يوم زفافه .. ابن أرضه ..

عمره كله فى خدمتنا .. وخدمة بلدنا .. إيدانا الخير ..
والمعروف .. واحنا نجازية بالمتلوف .. يا عاركم ..
يا عاركم .. ما عندكم نسا .. ما عندكم ولايا ..
حمدان : ما تريد يا شيخ العريان .. نفعله .. ما تريد ..
الشيخ سلمان : ما ريد أنا شى .. الأمر للعريان .. هما اللى فى أيديهم
الأمر .. والنهى .

(يلتفت الشيخ سلمان إلى الرجال)

الشيخ سلمان : ما نفعل برجال خوانة .. ما نفعل يا رجال العرب ..
ما نفعل .. اتكلم يا شيخ وهدان .. اتكلم ..

(يحاول زيدان وحمدان الهرب من فتحة

الخيمة يسرع العريان بإمساكهما)

الشيخ سلمان : وكم ان بتزيدوا عار على عاركم .. يا جلة ..
ياناجصين امسكوهم .. جيدوهم بالحبال يا عريان ..
جيدوهم ..

(يمسك بهما شيوخ العرب ويقيدونهم بالحبال ..)

الشيخ سلمان : تحكموا عليهم بايش .. تحكموا بايش .. على من
خان .. ومن غدر .. ومن وشى .. ومن فسج ..
تحكموا بايش على من نهب ومن سلب .. ومن باح
العرض .. وخان الأرض . تحكموا بايش يا رجال
العرب .. تحكموا بايش ..

(الجميع فى صوت واحد .. صوت جماعى)

صارخ هادر تشويح بالأيدى وهجوم عنيف ..)

الجميع : نحكم عليهم بالموت .. يا شيخ العريان ..

ما لهم جزا سوى الموت .. الموت .. الموت ..

ولا شى غير الموت يا شيخ العريان .

(يصرخ حمدان ويصرخ زيدان)

شيخ العريان : كمموا أفواههم الدنسة يا رجال .. ما نريد نسمع

أصوات خونة الأرض .. والعرض .. ما نريد نسمع

أصواتهم الرخصية .. مانريد ..

(زعيق وثورة .. وهياج وأصوات العريان ..

تنادى وتنادى بالموت ..)

الشيخ عبدون : ما تسمع يا شيخ شى يا شيخ .. ما تسمع شى ..

شريعة العرب شهامة وكرم .. يا شيخ وما تصبر

عليهم .. خلصنا من عارهم .. وطهر سينا منهم ..

ومن نجاسة أفعالهم .. سينا أرض الشهامة ..

والطهارة .. والرسالة . سينا ما يعيش فيها سوى

الأطهار من الرجال .. وكل دخيل غاصب وباغى ..

لابد ينزاح عنها .. لا يصير له مكان بيننا ..

(تستمر المناقشات والمشاورات بين العريان ..)

(الشيخ سلمان فى نهاية المشاورات)

الشيخ سلمان : الموت علينا حج .. لكن ما بايدينا نموت بشر ..

ما بايدينا يا عريان .. ما احنا سفاحين ولا جتلة ..

نحكم عليهم حكم جاتل ..

(الجميع فى هياج وصوت عال)

الجميع : ما نريد إلا جتلهم .. ما نريد إلا نمحى العار ..

يا شيخ .. خلص عليهم ..

الشيخ سلمان : ما نتشاور فى أمر الرجال .. ياخذوا نساهم .. ويرحلوا

من أرضنا .. ومن ديارنا .. ويزول عارهم ..

الشيخ عبد القادر: وإيش تسمى كرمك هذا .. يا شيخ العربان ..

ما نسمة إلا ضعف يا شيخ .. نرحلهم .. وكأنهم

ما عملوا خطية .. ولا شين . ولا دنسوا الأرض ..

وشريعة البدو ..

الشيخ سلمان : هذا جولى .. والجول جولكم يا رجال ..

(أصوات .. ومشاورات .. وترتفع المناقشات .. وتنخفض ..

احتدادًا وثورة .. ثم يطغى على أصواتهم .. هتافات ..

وظلقات مدافع ..)

(يدخل المهندسون الثلاثة ..)

فرحين مهللين إلى مجلس الإعراب .. بالخيمة .. يذهلون من

هذه المحاكمة .. ومن الرجال المقيدون بالحبال .. ولا يعرفون

لذلك سببًا .. الأصوات تتعالى .. والمهندسون يتصايحون

بصوت الأمل والفرح .. يرفعون أيديهم .. ويتمايون ..

ويهتفون ..)

المهندسون : رفعنا العلم ..

رفعنا العلم ..

مصر .. مصر .. سينا .. سينا ..
رفعنا رايتنا ..
راية النصر ..
بحب مصر .
سينا .. ومصر ..
رمز النصر ..

(يقبلون الشيخ سلمان الذى يقفز من مكانه مذهولاً)

الشيخ سلمان : أخبار زين .. أخبار زين .. يا فرحة الجلب .. عادت
سينا . عادت أرضكم يا رجال .. عادت أرضكم ..
يا أبطال ..

(العريان .. هتاف .. وتصفيق وغناء)

العريان : اليوم يومنا .. يا رجال ..
اليوم عيدنا .. يا أبطال ..
عادت سينا .. بخير وأمان ..
عادت سينا .. عادت لنا ..
الشيخ عبدون : وما نفعل فى الأندال ..
الشيخ سلمان : نسامح .. الى خان .. يا رجال .. نسامح بالحب
والسلام ..
نسامح .. ونمد يدنا .. ليدهم . ليتوبوا .. ويستغفروا ..
رينهم .. ويرجعوا .. ما نهبوا

ويعودوا .. لنسأهم .. وخیامهم .. نعمر بیوتهم .. ما
نخربها ..

نعمر .. ونبنى كل رجعة أرض .. فى دیارنا
الغالية ..

والجول . جولکم یا عربان ..

الشیخ عبدون : كلامك حج .. وزین یا شیخ سلمان . والسلام .. ما
فى أحلى منه .. ما دام رجعت لينا أرضنا كلها بالسلام
والحب .. والخیر .. وعزم الرجال .. اللی صمدوا ..
وصبروا .. لحين ما استردوها .. كلها .. كلها .. كل
حفنة رمال .. فى سینا .. عادت .. عادت نكون
بالمثل .. ونفعل بالمثل .. نحيا .. بشهامة العرب ..
وعفو الرجال .. نسامحهم . وما يعودوا لأفعالهم
الشین .. والشورة شورتك یا زعيم العربان .. یا شیخ
سینا یا ناشر الخیر والسلام .. على أراضینا ..

(وينظر الشیخ سلمان إلى العربان .. والمهندسين)

الشیخ سلمان : إیش جولکم یا رجال .. الأمر أمرکم .. ما تحكموا
بیه یصیر .. الفرحة محت كل حجد وضغينة ..
وغضب ..

(العربان کلهم فى صوت واحد بفرح ..)

العربان : لا ضغينة .. ولا غضب .. الفرحة عمت علينا ..
وما عدنا نذكر غیر سینا .. ورجوعها لينا ..

نسامح .. نسامح .. ونعفو .. يا شيخ العريان .. والله
هو المسامح الغفار ..

الشيخ سلمان : وأنتم يا زين رجال سينا .. اللي حبتونها . من تانى ..
وتعمروها بسواعدكم .. نسامح الخونة .. نسامح
حمدان وزيدان ..

(المهندسون ينظرون إلى بعضهم البعض فى دهشة وعجب)

المهندس نادر: نسامحهم ليه .. إيه اللي عملوه ..
الشيخ سلمان : خانوا الأرض .. وخانوا العهد .. وباعوا الشرف
والعرض .. وغدروا بالكل .. هيه .. نسامح ..
المهندس نادر: أحلى مالمسامح ما فيش ..
أحلى مالحب .. ما فيش .. أحلى مالاتفاق والوفاق
ما فيش .. أحلى مالمسلام .. ما فيش ..
الشيخ سلمان : بارك الله فيك يا ولدى .. بارك الله فيك .. طلعت
جولة الحج من قمك .. انت اللي صابك ما صابك
ونابك .. ما نابك .. على أيديهم ..
يا سبحان الله .. يا سبحان الله ..

(نادر لا يفهم ما يقوله الشيخ سلمان ولكنه يقول)

نادر : سواعد الرجال .. حتساعد فى البنا والتعمير .. لا تضمر
أحد يا شيخ العريان .. يا رسول الحب والسلام ..
يا بشير الخير .. والأمان .

شيخ العريان : لأجل طيبة جالك .. ياباشمهندس .. الله يعطيك ..
وينولك فرحة عمرك .. ياباشمهندس ..

(المهندس نادر بحزن .. ودمع)

نادر : فرحة عمرى .. هى سينا .. وأراضينا .. والفرحة
اللى كانت لى .. وكانت حتشاركنى أيامى .. وأيام
عمرها .. إيدها فى إيدى .. وقلبها معايا .. راحت ..
راحت يا شيخ سلمان .. راحت .. وأنا حبنى ببيكم ..
وأعيش ببيكم .. وليكم .. هنا .. فى أراضيكم .. أديها
اللى فاضل من عمرى لوحدى .. من غير شريكة
عمرى .. اللى راحت منى حبيبة عمرى .. ريم .

(الشيخ سلمان يحتضن نادر)

الشيخ سلمان : تعالى يا ولدى .. تعالى .. أجبك .. تعالى أفرحك ..
زى ما فرحت جلوبنا .. زى ما عادت لينا سينا .
حتعود إليك .. ريم ..

(المهندس نادر يبكى بحرقة)

المهندس نادر: يا شيخ العريان .. حرام تحرق قلبى ..
حرام تفكرنى باللى فات .. سيبنى أعيش فرحة
رجوع الأرض اللى كانت ضايعة ..
الشيخ سلمان : وحتعيش فرحة عمرك .. مع شريكة عمرك .
ريم ..

المهندس نادر: يا شيخ العريان .. حرام تحرق قلبى .. حرام جايب لى
سيرة ريم ليه دلوقت .. حنعيد الدموع فى يوم الفرح .
الشيخ سلمان : حنعيد الدموع .. صح .. لكن دموع الفرح
يا باشمهندس ..

الشيخ سلمان : فرح رجوع سينا .. ورجوع ريم ..

(المهندس نادر يجيش بالبكاء)

المهندس نادر: بتقول إيه يا شيخ سلمان .. بتقول إيه .. ريم ماتت ..
ريم ماتت .. بقولك ماتت .. ماتت .. سامعنى ..
سامعنى ..

الشيخ سلمان : بجول أن ريم .. ما ماتت .. ما ماتت . ريم تعيش ..
تعيش لليوم .. وحترجع لك .. وتعود تانى ..

(المهندس نادر يقفز .. بذهول)

المهندس نادر: ما أقدرش استحمل الفرحة دى .. ارحمنى .. ارحمنى
يا شيخ سلمان .. ارحمنى .. فهمنى دلوقت .. قصدك
إيه من عذابى .. قصدك إيه ..

(الشيخ سلمان يجيب بحب وحنان)

الشيخ سلمان : حاشا لله يا ولدى .. أعذبك .. ولا أضرك . أنا ما أريد
لك إلا الخير .. والهنا .. يا راجل يا غالى .. يا بطل ..
يا شهم .. أعذبك .. وأنت خير الأرض .. وبركتها ..

بسوا عدكم أنتم يا مهندسين .. بنيتم .. وعمرتم ..
وحتعودوا تبثوا .. وتعمروا وجلوبكم مليانة فرح .. زى
جلوبنا تمام ..

المهندس نادر: فهمنى .. يا شيخ سلمان .. فهمنى .. علقى
حيطير .. أنا ورايا مشوار طويل .. طويل .. أعيد
اللى راح .. وابنى اللى انهدم .. مصنعنا .. مصنعنا
يا شيخ سلمان .. حياتنا .. أرضنا شرفنا .. اسمنا ..

(عصام يصيح)

عصام : بيتى .. أرضى .. مصنعى .. مستقبلى ..

(هشام يصيح)

هشام : بيتى وأرضى . مراتى وبنتى ..

(الشيخ سلمان يهدوء)

الشيخ سلمان : كل ده راجع .. راجع .. راجع .. والأيام الجاية ..
أحلى .. وأحلى .. وأحلى مالى راحت ..
المهندس هشام: ماتخذرناش بالأمل .. كفاية علينا .. رجوع
أراضينا ..

الشيخ سلمان : رجوع أراضيكم .. ورجوع بينوتكم .. ونساكم ..
ومصنعكم ..

مهندس هشام: دى أحلام كبيرة .. كبيرة أوى يا شيخ سلمان ..
كبيرة .. و ..

(يقاطعه الشيخ سلمان)

الشيخ سلمان : ولا كبيرة ولا حاجة .. مافيش حاجة تكبر عالجار ..
يمهل ولا يهمل .. الأرض رجعت وفاضل الباقي ..
حنعمله احنا .. بعزيمتنا .. وكفاحنا ..

(المهندس نادر يقترب منه .. فى حيرة)

المهندس نادر: ده هو اللى حيكون .. لكن .. ريم .. إيه حكايتها ..
بتقول حترجع . مش فاهم .. حترجع إزاي ..
إزاي .. إزاي ..

الشيخ سلمان : شايف حمدان .. وزيدان .. هذا سبب ما نحاكمهم
اليوم .. خطفوا ريم .. وخفوها .. وتعيش لليوم ..

(المهندس نادر يقفز بجنون)

المهندس نادر: خطفوا ريم .. خطفوا ريم .. يعنى ريم ماماتتش ريم
ماماتتش ..

(حمدان بعد أن نزعوا الكمادات من على فمه

وفكوا قيوده هو وزيدان)

حمدان : لا .. لا ماماتتش ريم .. ماماتتش .. ريم حية ..
وتعيش لليوم ..

(المهندس نادر يقفز من الفرع ويقبل حمدان

نادر وإلى شيخ العريان يقول)

المهندس نادر: دانت حقك تكافئهم .. مش تحاكمهم ..

(الشيخ سلمان بيتسم)

الشيخ سلمان : جولك كده ..

نادر : أيوه .. قولى كدة .. وأنا اللي حاكافئهم بنفسى ..

— فين ريم .. فين ..

حمدان : فى الخص اللي ورا الجبل . الجبل البعيد .. هناك ..

(يسرع خارجا .. ولا ينتظر .. حتى يسمع أكثر من ذلك ..)

(شيخ العريان إلى الحاضرين)

شيخ العريان : فكوا جيودهم .. واتركوهم .. لحال سبيلهم .. وسيروا

فى هدى الله .. يا جدعان .. اعمل المعروف

يا حمدان .. وارجع تانى لبهانة .. وانت يا زيدان ..

عودوا لعجلكم .. وكفوا عن الشر .. يسامحكم الله ..

ويعفو عنكم ..

(حمدان وزيدان .. يقبلان يد شيخ القبائل سلمان ويخرجان)

(ويصفق الشيخ سلمان .. تدخل بدوية .. توزع الشاى ..)

(والفرح يرج خيمة الشيخ سلمان ..)

الشيخ سلمان : يوم مشهود .. يوم عظيم .. يوم مبارك . يوم

النصر .. الحمد لرب العالمين .. الحمد لرب العالمين ..

• • •

الفصل الثامن

الحلقة الثامنة

(احتفالات .. تنعكس عليها فرحة أهالي سينا ..)

تسمع أغاني وموسيقى .. تظهر .. جموع غفيرة .. والدفوف ..
تدق والمواويل تنشد ..)

أصوات الأناشيد بمجموعات :

المجموعة : اليوم يومك .. يا سينا ..
فرحنا بيك .. وفرحت بينا ..

بيننا .. بيننا .. نعمر سينا ..
بيننا .. بيننا .. نعيد ليالينا ..

تردد مجموعات أخرى :

المجموعة : سينا .. يا سينا ..
أهلاً .. سينا ..
أهلاً بـيك ..
وأهلاً .. بينا ..

(الأغاني والأهازيج .. تستمر .. بطوفان من مجموعات سينا ..
الشباب .. البنات .. الشيوخ .. العريان .. المجتمع
السيناوى كله .. يخرج على بكرة أبيه بالأعلام مرفوعة ..)

ورجـعنا لك . تانى يا سينا ..
والفرحة رجعت لعينا ..
ورمالك .. ضميتها إيدينا ..
أهلاً بـيك .. وأهلاً بـينا ..
أحنا ولادك .. وولادسـينا ..

(ترد مجموعات الشباب والبناات من الجيل الجديد .. الذى
سوف يعمر سينا ..)

المجموعة :
نبنى سينا .. ونعمر ..
نبنى ومصر .. بينا تكبر ..
تكبر .. تكبر .. أكثر وأكثر ..
لحد ما تبقى .. أم الدنيا ..
مصر وسينا ..
من أراضينا ..
من يوم الدنيا .. ما كانت دنيا ..
غدرت بينا .. الدنيا فى ثانية ..
ورجعت تانى .. تبوس أيادينا ..
وتقول لينا .. دى مصر وسينا ..
سينا .. ومصر .. أم الدنيا ..
رجعت سينا .. لمصر .. ولينا ..
رجعت تانى .. بفرحة هنية ..

(مجموعات الشباب)

المجموعة : فرحة أم .. غاب عنها ضناها ..
غاب .. ورجع . ثانى لحماها ..
تسامحه .. وتنسى .. قساوة الدنيا ..
وتضمه لحضنها .. وأيدينا ..
فى إيد بعضينا .. الكل يا سينا ..

المجموعات كلها تنضم ..

وتتشدد .. فى أهازيج

ورقص .. وتصفيق ..

المجموعة : تعالى يا مصر .. يا حلوة يا سينا ..
غالية .. غالية .. غالية علينا ..
حتى من قلبنا .. وعيننا ..
سينا .. يا سينا .. ياسينا ..
أهلاً بيك .. وأهلاً بينا ..
أهلاً بيك .. وفى أراضينا ..
رجعت لنا .. من ثانى لياينا ..
ياما سهرنا .. وياما غنينا ..
ورجعنا لك .. ثانى يا سينا ..
ليك يا سينا يا ضى عينينا ..
سينا .. يا سينا .. سينا .. يا سينا ..

الفصل الرابع

الفصل الرابع

المشهد الأول

ريم مقيدة فى الخص .. دموعها تسيل .. تسمع أصوات
المدافع . والطلقات .. وصيحات الانتظار .. وهتافات ..
سينا .. سينا .. سينا يا سينا .. ورجعنا لك .. تانى يا
سينا .. ورجعت لنا .. تانى ياسينا ..

ريم تتنهد وتسيل دموعها .. وتغنى هى الأخرى ..

ريم : البشرى هائلة .. والفرحة طاللة ..

والدنيا حلوة .. حلوة يا سينا ..

سينا يا سينا .. نسيت ولأ

ولا احنا بس اللى نسينا ..

نسيت حبى .. ونسيت عهدك ..

فى يوم وداعك .. تعودى لينا ..

سـينا .. يا سـينا ..

نسيت .. ولأ ..

ولا احنا بس .. الى نسينا ..
نسينا فرحك .. وفاكرنا جرحك ..
لى وحبىبى .. ناسى وناسينا ..

(ريم تغنى بصوت كله فرح ونشوة)

ريم : البشرى هاللة .. والفرحة طاللة ..
والدنيا حلوة .. حلوة يا سينا ..
وحبىبى عنا .. غاب وناسينا ..
امتى يا سينا .. امتى يجينا ..
وتبقى فرحة .. عليه .. علينا ..
والدنيا بينا .. تفرح يا سينا ..
سـينا .. يا سـينا ..
نسيت .. ولأ ..
ولا احنا بس ..
الى نسينا ..

(ريم مستمرة فى الغناء وقد ملأتها نشوة الفرح والأمل .. والخيال الجميل .. فى عودة الحبيب)

— بيقول لى قلبى .. حبىبى جنبى ..
هنا .. فى أراضى .. فى أرض سينا ..
راجع لى تانى .. تانى وجنبى ..
حبىبى جنبى .. هنا فى سينا ..

والدنيا حلوة .. بيبك وبينا ..
سـيـنـا .. يا سـيـنـا ..
نـسـيـت ولا ..

والا احـنـا بـس ..
اللى نـسـيـنـا ..

(يسمع نادر صوت غناء ريم .. فينتفض فرحاً .. ويقترب من
الخص .. وهو مازال مرتدياً ثياب الإعراب .. وملتحياً .. يجد
الباب مغلقاً وبه سلاسل .. يحاول فتحه .. ولما لم يتمكن ..
يدفع باب الخص دفعة قوية .. فينفتح ريم تسمع صوت
الباب .. تصرخ بصوت عالى ..)

(ريم بفرح وانزعاج)

ريــــــــــــــــم : مين .. مين ..
(لم تسمع رد)
مين كسر الباب .. انتوا وحوش .. يا مفترسين انتوا
مش بنى آدمين .. وحوش .. وحوش .. ابعادوا
عنى .. ابعادوا عنى ..

(نادر يقترب . الظلام يخيم على الخص إلا من بصيص ضوء
القمر .. يدخل من بين فتحات الخص .. يقترب . ويقترب ..
وريم يشد فزعها .. ورعبها ..)

(ريم تصيح)

ريــــــــــــــــم : الخلاص جه .. الخلاص جه .. سينا اتحررت ..
اتحررت من الذل .. وأنا اتحررت من ذلكم .. يا
وحوش .. سامعين .. سامعين .. الفرح .. سامعين ..

(ريم تستمر بحالة هستيرية)

ريم : سامعين .. سامعين الطبول .. سامعين البنادق ..
راحت عليكم يا أنذال .. راحت عليكم يا خونة ..
يا ويلكم منا .. يا ويلكم .. دنتوا أكثر مaledو .. أكثر
مالدخيل .. أكثر ما لمغتصب .. انتوا ولاد الأرض ..
خنتوها .. بعثوها .. وبعثوا أنفسكم يا أنجاس ..
فين نادر .. فين .. يرحمنى منكم .. فين نادر ..
فين الراجل الشهم .. فين راح فين .. حييجى ..
حييجى .. قلبى بيقول لى أنه حييجى .. قلبى بيقول
لى إنه جنبى .. جنبى .. لا .. لا .. ده جنبى ..
فعلاً جنبى .. أنا حاسة بيه .. حاسة بيه جنبى قلبى
مش ممكن يكذب على ..

(ريم تنادى نادر .. وتبكى .. وتهمس .. تمتلكها حالة
هستيرية من الخوف .. والرعب .. ولا تدري كيف تتصرف ..
تهدأ لخطوات الداخل إلى الخص .. كانت خطوات فرحة ..
خطوات فيها أمل .. ليست هذه خطوات المغتصب حمدان ..
ولا الداعر .. زيدان ..)

(ريم برجفة فرحة)

ريم : مين .. مين ؟ مين .. مين انت .. وعاييز إيه دلوقت .. ؟

(نادر يهمس)

نادر : ريم .. ريم .. ريم ؟

(تنفض .. وينتشي كل جسدها)

ريم : مين .. ؟ مين انت .. قول .. انت مين ؟

(نادر يجيب)

نادر : انت عارفة أنا مين . قلبك قالك .. أنا مين .. أنا هنا .. هنا .. انت مش كنت بتغنى .. وتناديني .. أنا سمعتك .. وجيت .. وجيت يا ريم ..

(ريم بذهول)

ريم : يا ربي .. مش ممكن .. مش ممكن .. لازم أنا باحلم .. أيوة باحلم .. أيوة باحلم .. من عذابي باحلم .. من وحدتي .. باحلم .. من خوفى باحلم .. باحلم لما سمعت صوت الفرح .. صوت النصر .. صوت التحرير .. افكرت أنى أنا كمان .. اتحررت .. وانتصرت ..

(نادر برجفة فرح .. ونداء شوق)

نادر : فعلاً .. فعلاً يا ريم .. اتحررت .. وانتصرت .. انت سينا .. وبنت سينا .. وأرضك حرة .. وغالية .. زى ما انت حرة .. وغالية .. ضمتك .. وضمتيها ..

وصانتك .. وصنتيها .. يا غالية .. يا طاهرة .. يا
كريمة .. يا عزيزة .. يا منتصرة .. يا بنت سينا ..

(ريم ترفع عينيها .. إلى الواقف أمامها .. وهي ملقاة في
ركن الخص .. مقيدة بالحبال .. مظلومة .. مجروحة ..
مهانة .. ذليلة .. تشهق حين مشاهدتها لوجه إعرابي
ملتحي .. ويلبس عقال .. وعباءة)

(ريم تصيح بخوف وفرع)

ريــــــــــــــــم : ناوى تخدعنى يا راجل .. يا بدوى .. انت نادر .. ولا
راجل .. عارف سرى .. وسر أرض .. وسر ذلى ..
وسر عذابى .. وسر حبيبى .. وجاى تتشفى ..
وتنتقم .. ؟

(نادر يقترب منها .. بحنان طاغى .. وجسده يذوب حزناً ..
واشفافاً على حالها ..)

(نادر بحنان جارف)

نــــــــــــــــادر : أتشفى .. أتشفى .. ؟ أتشفى من قلبى .. ؟ أتشفى من
حبى .. ؟ من أملى .. من عمرى اللى غاب .. من
عمرى اللى رجع .. خيال .. خيال .. وأحلام ..
خيال جميل .. كله رجع .. سينا .. وريم ..
والفرح .. والنصر .. ومصر .. فيه إيه .. أحلى من
كدة .. يا ريم .. ؟

ريــــــــــــــــم : ياربى .. أنا باحلم .. أنا باحلم .. ؟
آه .. آه .. آه .. ؟

نــــــــادر : سيبينى الأول .. أفك أسرك .. أشيل عنك المرارة ..
والعار .. والعقم .. يا ريم .. ياه .. بقى ريم الحلوة ..
الطاهرة .. تتبهدل .. تنذل .. تتنجس .. لكن ده أمر
الله . السلام .. وسينا .. وريم .. فى لحظة واحدة .
عاد .. فى لحظة واحدة .. رجع .. رجع كل اللى
راح .

(نادر يقترب من ريم .. ويفك عنها قيودها ..
ودموعه تنهمر انهماكاً)

(ريم باندھاش)

ريــــــــــــــــم : الدقن .. ؟ العباية .. العقال .. ليه .. ليه يا نادر
ليه .. ؟

نــــــــادر : من الأوغاد .. من الخونة .. من الدخيل .. من الناس
كلها .. من نفسى .. لغاية ما أحضنها .. وتحضننا ..
بشموخها .. بكبريائها .. بعزتها .. بكرامتها .. وأنا
وانت .. وأرضها .. وتبرها .. نكون فداها .. بدمنا ..
وبعذابنا ومرارة أيماننا .. عشان بعد كدة نستاehl نعيش
تحت سماها .. وفى جنة تبرها ..

(ريم .. بين أحضان نادر .. لا يشعران بالزمان .. ولا
بالمكان . إلا بخفقات القلوب .. ونشوة الروح .. ومناجاة
القلب ..)

(ريم تهمس لنادر ..)

ريم : خدنى .. خدنى من هنا .. يا نادر .. خدنى من
هنا .. أنا خائفة .

(نادر يشتد فى ضمها)

نادر : خائفة يا ريم .. خائفة وأنا معاك .. ؟ خائفة وانت
جوه قلبى .. خائفة وانت بين ضلوعى ..
ريم : أصل انت مش عارف الحكاية يا نادر .. مش عارف
إنى أنا هنا محبوسة .. ودلوقت حييجوا اللى
حبسونى .. وظلمونى .. وأسرونى .. وخانونى ..
وغدروا بى .. وهانونى .. عشان يذلونى ..
ويأخذونى هما ..

نادر : الذل راح يا ريم .. والشرف رجع يا ريم .. ورجعت
لنا سينا .. بشرفها .. وأصلها .. ومنبتها .. بتبرها ..
وكنوزها .. رجعت .. رجعت زى ما رجعت لى
نفسى ..

ريم : ورجعت لك نفسك ..

نادر : رجعت نفسى .. ورجعت ثقتى .. ورجعت ريم
حبيبتى .. رجعت برجوع الغالية سينا .. عشان
تعرفى فعلاً .. إن انت بنت سينا .. أسيرة .. لما كانت
أسيرة .. كسيرة .. لما كانت كسيرة .. مخنوقة .. لما
كانت مخنوقة .. حرة .. لما بقت حرة .. يا غالية ..
يا حرة .. يا ريم يا بنت سينا ..

(يَفْكَ نادر كل قيودها .. وتسقط ريم على الأرض من شدة
الوهن .. يسرع نادر باحتضانها يدفنها بعواطفه المتأججة ..
شوقاً إليها .. ويدلك .. أطرافها ..)

(ريم يشجن)

ريم : حبيبى .. الغالى ..
نادر : يا دنية عمرى .. يا فرحة عمرى .. كان لازم
نتعذب .. ولازم نفترق .. ولازم نقاسى نفس
المحنة .. محنة بلدنا .. ولازم نعيش أيامها ..
وعذابها .. نحس بيها وتحس بينا .. ربنا أراد ..
وحكم .. إن ما نجتمع أبداً .. إلا لما يجتمع شمل سينا
كلها .. شمالها .. وجنوبها .. جبالها .. ووديانها ..
أراضيها .. وسماها .. كلها .. كلها .. ورجعت
الكرامة .. والعزة .. وكل الرجال .. دلوقت ..
أحرار .. أحرار ..

(نادر يستمر)

— والناس أحرار - رافعين رأسهم .. ورافعين رأيتهم ..
راية مصر .. راية النصر .. وما فيش حد حيذاك .. ولا
ياخذك .. واللى أسروك .. أنا عارفهم .. هما تمام
زى اللى أسرونا .. وأسروا سينا .. هما بيمثلوا تمام
العدوان .. أنا عارفهم .. عارفهم يا ريم .. ماتخافيش
.. مش هما - حمدان .. وزيدان ..
(ريم تشهق من الخوف وتصيح)

ريم : عرفت .. عرفت ازاي يا نادر ..
نادر : خلصنا البلد .. بالمحبة والسلام .. والاتفاق ..
وخلصناك من الذل .. والأسر .. برضه بالمحبة
والسلام ..

تمام يا ريم .. حكايتك هي حكاية سينا .. أسروك ..
اغتصبوك .. ولكن رجعوا تاني وسابوك ..
اتحررت .. واتحررت بلدنا بالهمة .. والعزيمة ..
والإخلاص .. والإيمان وانت يا ريم .. صورة
مصغرة لسينا الغالية .. الجميلة .. الطاهرة ..
وأراضينا أرض طاهرة .. أبداً ما يعيش فيها الفساد ..
ولا الطغيان .. أرض الرسل والأنبياء .. والأديان ..
والرسالات .. عناية الرحمن هي تظللها بنور الإيمان
.. وانت بنفسك أهه .. غشت .. وشفت .. شفت ازاي
الحق ينتصر .. والخير ينتصر .. والشرف ينتصر ..
والشيخ سلمان .. هو « رسول السلام » ..

(تسدل الستار على نادر وريم في أحضان بعضهما البعض)

(موسيقى خافتة .. تنبعث أغنية هادئة)

البلد .. بلدنا ..

ونري .. ولادنا ..

على حب .. بلدنا ..

بالخير .. والسلام ..

بالخير .. والسلام ..

الفصل الخامس

الفصل الخامس

الحشر الأول

، كريمة .. زوجة هشام .. بعد أن عادت إلى بيتها فى
سيناء .. تلف به .. وتدور .. تلمس جدرانها ..
وتتعاشش بأنفاس حبها .. لبيتها .. تغنى ..

(كريمة .. تغنى ..)

كريمة : فتحت عيني .. وشففت الدنيا ..
من ثانى .. من ثانى ..
والدنيا لقيتها .. زى ما هي
نور وأمل .. وجمال .. وأمانى ..
دموع .. وألم .. نواح وأسىة ..
جروح .. وضنى .. وضلمة فى عيني ..
مش هى الدنيا .. برضه الدنيا ..
إيه اللي غير .. حالها .. وحالى ..
نسيت خلاص .. اللي كان منها ..

ورجعت أشوف .. نورها من تانى ..
فتحت عيني .. وشفت الدنيا ..
من تانى .. من تانى .. من تانى ..

(يدخل المهندس هشام زوج كريمة ..
التي شفيت وعادت من المستشفى بالقاهرة ..
أشد ما تكون صحة .. وإصراراً على
مواصلة الكفاح .. فى سيناء)

(هشام بفرح)

هشام : كريمة .. كريمة سمعت صوتك بيغنى ..
كريمة : باغنى يا هشام .. باغنى من فرحة قلبى .. باغنى ..
لما رجعت بيتى .. مين كان يصدق مين ..
هشام : أيام .. أيام يا كريمة .. انسيها .. انسيها يا كريمة
ما تفكرش فيها تانى .. فكرى بس فى اللي جاى ..
كريمة : نسيت .. نسيت كل حاجة يا هشام .. وكفاية أن سينا
كلها .. بقت بتاعتنا .. احنا لوحدها .. مفيش لينا فيها
شريك .. ولا دخيل ..

هشام : ده من فضل الله .. وفضل الناس اللي زيك
يا كريمة .. اللي عمرهم ما تهزمهم الأحداث ..
ولا يأتُر فيهم مرار .. ولا عذاب .. بإذن الله ..
يا كريمة .. وبإيماننا كله .. وإصرارنا .. وعزيمتنا ..
ومن كل اللي شفناه فى أيامنا هنا .. حنرجع

كل حاجة .. كل حاجة .. وكل شيء يهون مادام
النهاية فى صالحنا ..

(كريمة وهى تبكى)

كريمة : يرجع .. يرجع يا هشام .. سينا رجعت .. وسميرة
حترجع .. حترجع يا هشام .. حترجع ..

(هشام يضمها بحنان)

ترجع .. ترجع يا حبيبتي .. ترجع .. إذا كانت سينا
.. سينا كلها .. سينا الغالية .. رجعت لينا .. أعلامنا
بترفرف عليها .. كلها .. كلها .. ونسيم الحرية بيدخل
قلوبنا .. ينعشها .. ويقويها .. كل ده رجع يبقى
سميرة .. مش حترجع .. ؟

(يزداد نحيب كريمة)

كريمة : ترجع .. ترجع ازاي يا هشام .. ترجع ازاي .. وأنا
شفتها بترفرف قدام عيني .. ترجع ازاي يا هشام ..

(تبكى كريمة .. بحرقة .. ويزداد نحيبها .. يقترب
منها هشام .. يضمها .. يقبلها .. بحنان دافق ..
ويجلس بجوارها .. فى لقاء .. متآلف ..)

هشام : ترجع سميرة .. يا كريمة .. زى مارجعت لنا سينا ..

(يشتد في الضم .. والعناق .. والقبلات .. الحانية ..
وتفيض بهما .. دموع الحب .. والشوق .. واللهفة ..
والحنين .. وطول الحرمان .. من عيني كريمة .. حين
استشعارها للحنان .. ويعيشان في لحظات حب .. وترايط ..
والتمساق .. عميق .. عميق ..)

(كريمة بغنج ودلال :)

كريمة : هشام .. ؟ هشام .. ؟

(هشام بوله)

هشام : يا حب عمري .. يا أم ولادي .. يا أغلى مني .. انت
وبلادي ..

(تهيم كريمة في نشوتها .. وتستلقي على
أريكة في جانب الحجرة .. تسمع موسيقى
خافتة .. ناعمة .. يقترب منها هشام ..)

(في هذه اللحظة .. يدخل نادر وعصام .. ويبد كل منهما ..
مندبل به حفة الرمال التي أخذوها معهم في الانكسار ..
وأقسموا أن يعيدونها إلى مكانها بعد الانتصار ..)

(عصام يهتف)

عصام : هشام .. هشام .. بينا نرجع الأمانة اللي في رقبتنا ..
لسينا .. ولا احنا نسينا .. ؟

(يقفز هشام من على الأريكة .. والفرحة فى عينيه ..
ويذهب إلى مكان .. به علبة صغيرة .. يفتحها ..
ويأخذ منها منديلاً به حفنة من الرمال)

هشام : أبداً .. أبداً .. أبداً يا عصام .. عمرنا مانسينا ..
عمرنا مانسينا الأمانة .. وشايلها هنا فى قلبى ..
بيننا يا نادر .. بيننا .. ؟

(نادر يمسك بيد هشام ..)

نادر : بينا .. بينا يا هشام .. بينا ..
(يخرج الثلاثة .. ويبد كل منهم منديل به حفنة من
الرمال .. ليعيدوها إلى مكانها .. من أرض سيناء المحررة ..)

(بعد أن يخرج المهندسون الثلاثة .. تقف كريمة .. وتغنى
بفرحة .. صادقة .. وهى تضع الورود .. فى أرجاء بيتها ..
منتشية بعودتها إلى بيتها .. وزوجها .. وعودة سيناء)

(كريمة تغنى)

كريمة : يا بيت شبابى
وبيت ولادى ..
أيامنا حلوة ..
حلوة .. يا بلادى ..
— أرضى .. ولادى ..
ولادى أرضى ..

والبيت الفاضى ..
بقلب .. راضى ..
يمـلـوه .. ولادى ..
وولاد .. ولادى ..
فى بيت شـبـابى ..
وشباب بلادى ..
من تانى . بينا ..
وبيك .. ياسينا ..

(تلف فى البيت وصوتها يرتفع بالغناء)

— ادبت سميرة .. هدية لسينا ..
بقلوب كـبـيرة ..
نبنى المدينة ..
نبنى ونعمـر
نبنى ونعمـر .. والعيلة تكبر ..
ونجيب سميرة .. وهانى .. ودينا ..
أهلاً ياسينا .. أهلاً ياسينا ..
بيك .. وبيننا ..
بيك .. وبيننا ..
يا غالية .. عندى
عندى .. ياسينا ..

• • •

الفصل الخامس

الح شهر الثاني

، عمال كثيرون .. فؤوس .. معاول بناء .. عمال مناجم ..
مزارعون .. أشجار .. تشجير .. أعلام مصر .. ترفرف
على سيناء .. عودة الحياة .. ومعركة البناء والتعمير ..
تبدو مظاهرها .. واضحة .. موسيقى .. ثم غناء ..

البناءون : الله أكبر .. الله أكبر
نبني .. ونعمر ..
وحدات سكنية ..
مشاريع حيوية
تكبر .. وتكبر ..

مدارس .. ومصانع ..
محطات نووية ..
أرصاد .. جوية ..
ونستثمر سيناء ..
من خير .. أراضينا ..
حزري .. ولادنا ..

على حب سينا ..
 والعيشة .. تسير ..
 والرزق .. كـ تـ يـ ر ..
 من تـ بـ ر .. بلادنا ..
 حـ تـ عـ يـ ش .. ولادنا ..
 فى جمال .. وسلام ..
 يا سلام .. ويا سلام ..
 الله أكبر .. الله أكبر ..
 نبى .. ونعمم ..
 ونعمر سينا .. وفى خير .. أراضينا ..
 حـ نـ عـ يـ ش .. ونكبر ..
 الله أكبر .. الله أكبر ..

(عمال المناجم بخوذاتهم)

العمال : الله أكبر .. الله أكبر ..
 مـ يـ ن ز ي ن ا .. مـ يـ ن ..
 ر ج ا لة التـ عـ د ي ن ..
 فى المـ نـ جـ م .. بـ نـ فـ جـ ر ..
 خـ م .. الكـ اـ و ل ي ن ..
 جـ بـ س .. و خـ ا مـ ا ت ..
 مـ نـ جـ نـ يـ ز .. و ر مـ ا ل ..

(عمال المناجم بخـوذاتهم)

العمال : عالى الدرجة .. عال العال ..
ياخذوه فى المصانع ..
حديد .. وصلب .. وصوامع ..
أغلى تبر .. تبر سينا ..
والصحرا .. دى بقت أراضينا ..
من كفاحنا .. ومن أيدينا ..
نبنى ونعممر ..
من تانى سينا ..

(الزراع .. بمعاولهم وفؤوسهم .. ينشدون)

الزراع : أشجار .. وخضرة ..
تضلل .. الصحرا ..
هـيـلا .. هـيـلا .. هـيـلا ..
عـالـجـنة .. بـينا ..
ونـخـضر .. سـينا ..
أشجار .. ونـخـيل ..
ومـزارع خـضـرا ..

(سامر من الزراع البدو .. يرفع فأسه .. ويتوه
فى الأرض .. ويغنى بشوق .. أغنية للزرع ..
معروفة فى سيناء)

رن حـجل البـدوية ..
رن .. واعـجـبـنى دويه ..
يا جمـيل .. الصـالحـية ..
وين بيت .. البـارحـية ..
بيت فى حـنة .. ورنـة ..
والعـطـور .. الفـايحـية ..

(زارع آخر .. يقف ويغنى أغنية معروفة فى سيناء)
 ، موال ، على الريابة ،

الزّارع : أبشــــــــــــرى .. بالروى ..
مـــــادام أنا قـــــوى ..
على رى الفـــــاطر ..
لما يطيب .. الخـــــاطر ..
على مـــــازوئها ..
وأزرع .. جمایل فیها ..

(يقف عامل آخر من عمال المناجم (البدو) يغنى
موال وينشد)
(معروفة فى سينا)

عوامل :
يا طالعین البراری فی سموم .. وریاح ..
لا القلب هنا ساکن ..
ولا شوقکم مـرتاح ..

عـالـلـه يـا حـلـو .. لـو انـك ..
مـن بـنـى عـمـى ..
لأذبح جـمـل صـاحـبـى ..
وأثـنـين .. مـن زـمـلـى ..
يـا طـالـعـين الجـبـل ..
والصـيـد فـى الوادى ..
ومـنـقـوشـات الحـنـك ..
بـبـنـات الأـجــــــوـاد ..

(عـامـل بـنـاء (مـن البـدو) يـنـشـد مـوـالاً عـلى الرـبـابـة ..)
(مـعـروفـة فـى سـيـنـاء)

عـامـل بـنـاء :
يـا سـاكـنـين الصـحـارـى ..
وبـلـادكـم .. مـظـمـا ..
قـعـاءـد عـلى دريـكم ..
والـحـلو .. مـا بـلـقـاه ..
لـا كـتـب مـكـاتـيب ..
وآرسلهم مـعـك .. يـا طـيـر ..
فـى ضـيـة المـال ..
مـسـى صـاحـبـى بالـخـير ..
مـسـيـك .. بالـخـير ..
يـالـلى جـيـت .. مـتـعـنى ..
فـى إيدك خــــــواتم دهب ..

والكف مـتـ حنى ..
أبيض من الشـاش
والين من حـرير هندی
عـاليـوم يا حلو ..
لوانك فى المنام عندى ..
نريدكم .. تسلموا .. ويعيش غاليكم ..
ويعيش حـتى الطيب ..
اللى يوالىكم ..



الفصل السادس

الفصل السادس

الحشهر اللؤلؤ

• زواج ريم ونادر ..

أغاني فولكلورية .. بدوية .. راقصات .. موسيقى ..
بدو .. نادر وعصام .. وهشام .. وكريمة .. بهانة
وفرحانة .. حمدان وزيدان .. شيخ القبائل سلمان ..
ورجال القبائل .. المهندسين .. المجتمع السيناوي
كله .. النخيل .. الدف .. والطبول .. الأعلام ..
تصفيق وغناء .. ورقص .. أغاني فولكلورية حضرية ..
ثم أغنية الدحية .. الشهيرة في سيناء ..

(عامل بناء (من البدو) ينشد موالاً على الرماية ..)
(معروفة في سيناء)

(الراقصة .. تزف العروسين .. ويغنون لها)

الراقصة : زفوا العروسة ..

زفوها ..

هنوا العريس ..

هنوه ..

فى يوم النصر .. بنهنى مصر ..

ونهنى سينا .. وكمان أهالينا ..

حققنا أملنا .. وكمان أحلامنا ..

واتلم الشمل ..

وكل الأهل ..

اتجمعوا تانى ..

فى الأرض الخضرا ..

بالهنا .. والبشرى ..

وتعود لياalina ..

من تانى يا سينا ..

فى لياالى .. القمر ..

وتخضر الصحرا ..

فى أراضيك يا سينا ..

وتعمر .. بينا ..

احنا .. واهالينا ..

وولاد ولادنا ..

ونادر .. ويانا ..

وعروسته معانا ..

وهشام .. وكريمة ..
دحنا .. ولاد سينا ..
يا هنانا بيهم .. وهنانهم بينا ..

(بعد أن يتم زفاف العروسين .. يجلس
الجميع .. وتقف الراقصة .. وتسمى ، الحاشية ،
ويصطف البدو .. ثم يصفقون .. وتقرع الدفوف
.. ويقف شاعر .. اسمه ، البدّاع ، يناوش
الراقصة التي ترقص بالسيف .. ويمكن أن يكون
هناك أكثر من راقصة ..

يقول البدّاع : أنا مجيرك .. يا الغالى ..
مد إيدك .. سلم على ..

(تمد الراقصة يدها)

ينشد البدّاع : أنا مجيرك ياغالى ..
يقول البدّاع : تلف بأركان الدحية

(ترقص الراقصة وتلف .. الراقصة أو اثنتين)

يقول البدّاع : وإن كنت مطيع من زمان ..
رد الركبة .. متنبية ..

(ترمع الراقصة على ركبة ونصف)

يقول البداع : هيدى بروك المخاليف ..
ودى بروك .. المطية ..

(ترقص الراقصة على الركبتين)

يقول البداع : أنا قصدتك بالحاشى ..
ودى أشوف .. العطية ..

(تناوله السيف الذى كانت ترقص به)

البداع : الحاشية .. أعطانى السيف ..
والسيف يقطع يدى
أنا ودى .. شناف الفضة ..
شرع قبال الكلية ..

(تنزع الراقصة شفافها من أنفها وتناوله إياه)

البداع : أنا ودى خاتم الفضة
وحطه بايدى .. اليمنية ..

(تنزع الراقصة خاتمها الفضة .. فيعيده لها البداع مع قطعة من الفضة ..)

البداع : هدى عطيتك .. بالحاشية ..
وهى .. حرام على
وأختم كلامى .. بمحمد ..

يا مصلين .. عالنبى ..

محمد يا نور الشرق ..

والسيد .. نور الغربية ..

« وهكذا .. تستمر المناجاة .. بين البداع ..
والراقصة .. والبدو .. صفوف .. يهتزون ..
ويصفقون .. ويرقصون .. »

ثم تقف العروس .. ريم .. والعريس .. نادر
ويزفوهما .. بالرقص .. والغناء ..

(الراقصة ترقص وتغنى وزفة العروسين)

الراقصة تغنى : زفوا العروسة .. زفوها ..

هنوا العريس .. هنوه ..

الفرحة عمت علينا ..

على أحبابنا ..

وعلى أهالينا ..

والفرحة .. عمت على سينا ..

ورجعت لنا .. من تانى سينا ..

(تصفيق وزغاريد)

المجموعة : زفوا العروسة .. زفوها ..

هنوا العريس .. هنوه ..

« تسدل الستار »

الفصل السادس

المشهر الثاني

، مشهد غنائى راقص فولكلورى ،
، ترفع الستار .. على المجموعة كلها .. من أبناء
سيناء والمهندسين وأعلام النصر فى أيديهم .. ويلبسون
ملابس الاحتفال بيوم النصر .. وينشدون ..
ويرقصون .. رقص فولكلورى .. ،

(مطرب من المجموعة يغنى)

المطرب : السلام .. كلمة ومعنى
وأمل بسام ..
السلام .. كلمة حب ..
بعد خصام ..
حلوة .. حلوة .. جميلة .. وحلوة ..
فيها الراحة . فيها الفرحة ..
فيها السلوى ..

فيها كل معانى الود ..
فيها كل معانى الفرح ..

(المجموعة كلها ترد فى غناء جماعى)

المجموعة : سلام .. بين الشعوب ..
سلام .. بين القلوب ..
بروح الحب .. بروح الصفح ..
جمعت مصر .. قلوب .. وقلوب ..
جمعت مصر .. شعوب .. وشعوب ..
حب يا مصر .. حب يا مصر ..
مصر يا حب .. مصر يا حب ..

(المغنى بمفرده يغنى)

المطرب : كان فيه مثل .. بيقول ..
أنا وابن عمى .. عالغريب ..
جه السلام .. فى عصر السلام ..
غير المعنى .. غير الكلام ..
قال الغريب .. ده يبقى حبيب ..
وأنا وابن عمى .. ويا الغريب ..
نبقى حبايب .. نبقى قرايب ..
كلمة واحدة .. كان ليها معنى ..
كلمة حب .. صبحت غنوة ..

غنة مصر ..

مصر .. الأمة ..

(المجموعة كلها ترقص بالرايات ..
والموسيقى فى تلاحم .. وانتشاء)

المجموعة : سلام بين القلوب ..

سلام .. بين الشعوب ..

بروح الحب .. بروح الصبح ..

جمعت مصر .. شعوب .. وشعوب ..

جمعت مصر .. قلوب .. وقلوب ..

حب يا مصر .. حب يا مصر ..

مصر يا حب .. مصر يا حب ..

المطرب : أنا .. أبقى إيه أنا ..

قبل السلام .. كنت إيه .. أنا ..

كنت فى ليل ..

كنت .. فى ضنى ..

وانهارده .. أنا إيه أنا ..

وابقى إيه .. أنا ..

أبقى الحب .. أبقى السلام ..

أبقى مصر .. أبقى الهنا ..

أبقى الدنيا .. فاتحة أيديها ..

لدنيا جديدة .. ابتدت مانهارده ..
من يوم المعاهدة .. من يوم السلام ..
المجموعة : سلام بين الشعوب ..
سلام بين القلوب ..
بروح الحب .. بروح الصفح ..
جمعت مصر .. قلوب .. وقلوب ..
جمعت مصر .. شعوب .. وشعوب ..
حب .. يا مصر ..
حب .. يا مصر ..
مصر .. يا حب ..
مصر .. يا حب ..



تمت

أدب أكتوبر

المجدوم في السارخ

لوسى يعقوب
« بنت سيناد »



أمجد يوم فتح التايغ

موافقة رقم ٢١٥٥ - أ

فی ۱۹۸۷/۱۰/۵

توقيع قائد المجموعة ٢٦

جهاز الأمن الحربي

موافقة جهاز أمن الحربي - إدارة

المخابرات والاستطلاع على القصة

والمشاهد ١٩٨٧ موافقة على النشيد

والسیناریو ۹۳-۹۴-۹۵

أُـمـجـدُ يـومٍ فـى التـارـيـخِ

ملحمة غنائية فى

أعياد تحرير سيناء

نصر أكتوبر العظيم

من رواية / أمجد يوم فى التاريخ

أدب أكتوبر

إصدار الهيئة المصرية العامة للكتاب

أَمجد يوم فتح التاريخ

القرار :

- يردد هذا القرار بعد كل مقطع بالغناء الجماعى ..

القرار

وفى كل يوم .. بتعود الذكرى ..

بفرحة حلوة .. وأمل لبكرة ..

ده يومنا ده .. يوم العمل ..

ده يومنا ده .. يوم البطل ..

يا ٦ أكتوبر يا عظيم ..

يا أمجد يوم .. فى التاريخ ..

(١)

يا رمز كل نضال وكفاح ..

يا صورة أغلى عمل .. ونجاح ..

لكل جندي .. حمل له سلاح ..

وكل مصري .. بنى ... وفلاح !!

الأرض كانت .. ناشفة وصحراء ..

زرعناها .. وصبحت خضراء ..

يا ٦ أكتوبر يا عظيم ..

يا أمجد يوم .. فى التاريخ ..

(٢)

استقرار الأمن ... أمان ..
التنمية لخير أيام ..
بترباط عـرى .. ووئام ..
ضميرتهم فى حـضن حنان ..
يامبارك .. يارئس .. يا عظيم ..!
يا أمجد يوم .. فى التاريخ ..!

(٣)

دى مصر دى .. هى اللى فى فكرك ..!
إديتها .. كل حلاوة عمرك!
تاريخها .. حضارتها ... أصالتها !!
أراضيها .. مشاريعها .. وتراثها ..
واديها كل يوم .. بنزيد .. مجد وقوة .. ودنيا ودين ..
رجعت لنا .. مجد سنين .. وكل ألوان الفنون ..
أمجاد مصر .. الفرعونية ..
خوفو .. وخفرو .. وأخناتون ..
علم .. وفن .. ووحدرة ... ودين ..
بشعوب الأمة العربية
يا ٦ أكتوبر يا عظيم
يا أمجد يوم فى التاريخ .. !!

(٤)

يا بطل النصر.. يا ابن مصر ...

يا كلمة واعية لكل عصر ... !!

من يوم ما قلنا .. يا مبارك ..

ومصر بتزيد .. عزة ونصر ..

وكل كلمة .. تقولها .. تمام ...

قول ... وعمل ... مش بس كلام ... !

يا مبارك .. يارئيس ... يا عظيم ..

في أمجد يوم .. في التاريخ !!

القرار بعد كل مقطع :

وفى كل يوم .. بتعود الذكرى ..

بفرحة حلوة .. وأمل لبكرة ..

ده يومنا ده .. يوم العمل ..

ده يومنا ده .. يوم البطل ..

يا ٦ أكتوبر يا عظيم ..

يا أمجد يوم .. فى التاريخ ..

(٥)

أكتوبر .. ده يعني تاريخ ..

حفرو ... نسرو ... بعزمو جسور ...

الجيش ... والشعب المنصور ...

من ظلام الليل للنور ... !

قاموا قومة .. شعب أصيل ...
شعب عربي ... سقاه النيل ..
مئة حب .. ونور إيمان ..
وعناية بركة من الرحمن !.

ده شعب مصر .. كله جنود ...
يحمى أرض الخير .. والجود ...!!
وتاني يعود .. مجد الجدود ..
فى أمجد يوم فى التاريخ ...!!

(٦)

احنا شعب .. رجال ثوار ..
احنا شعب .. رجال أحرار ..
الحرية .. فى دم ولادنا ..
الحرية .. لمجد بلادنا ..
الانتفاضة .. الفلسطينية ..
الانتفاضة .. الأكتوبرية .. !!
والوحدة بأمة عربية ..
ضممتهم .. طابا المصرية ..
وهى دى .. هى الحرية ..
يانعيش فى بلادنا .. أحرار ..
يانموت .. ثوار .. شهداء .. أبرار ...!!
فى أمجد يوم فى التاريخ .. !!

القرار :

وفى كل يوم .. بتعود الذكرى ..

بفرحة حلوة .. وأمل لبكرة ..

ده يومنا ده .. يوم العمل ..

ده يومنا ده .. يوم البطل ..

يا ٦ أكتوبر يا عظيم ..

يا أمجد يوم .. فى التاريخ ..



سيناريو .. ومشاهد
« أوبريت »

أجديوم فى التاريخ

المشهر الأول

المسرح ظلام .. فقط .. أضواء خافته من جوانب
المسرح .. المزين بلوحة بانورامية .. كبيرة .. مضيئة ..
كتب عليها .. مصر الصمود ..
٦ / أكتوبر / مصر .. الخلود

من جانب يظهر جندي مصرى . حاملاً .. علم مصر خفاقاً ..
وأصوات تردد .. من وراء الستار بكل عزة وفخار .
مصر الخلود .. مصر الصمود ..
مصر الخلود .. مصر الصمود ..

الجندي يحكى فى زهو ومجد .. وصوت جهورى

الجندي : ومع كل عام .. تتجدد الذكرى .. ويأتى السادس من
أكتوبر .. شاهداً .. بارزاً على صحوة الثقة ..
وعزة الإنسان المصرى .. وعاماً بعد عام ..
تتكشف الأسرار الكاملة لمعارك ١٩٧٣ .. تتكشف
شيئاً .. فشيئاً .. مؤكدة العسكرية المصرية ..
والإنسان المصرى .. الذى مازال يحمل شرف
حضارة السنين .

تقرع دقوف النصر .. وقوافل الجنود .. تبدو .. فى ظلال بعيدة
تحت الأضواء الخافته ..
تظل .. مجموعة الجنود .. فى نهاية المسرح بظلال .. فقط
.. لتندفع قوافل الغناء .. مجموعة كبيرة من الكورس ..
فتيات .. وفتيان بملابس زاهية .. تعبر عن روح مصر ..
وفرحتها بالنصر ..

قوافل الكورس/ تغنى وتردد : (نشيد أجمل يوم فى التاريخ)

الكورس : وفى كل عام .. بتعود الذكرى ..
بفرحة حلوة .. وأمل لبكرة ..
ده يومنا ده .. يوم العمل ..
ده يومنا ده .. يوم البطل ..
يا ٦ / أكتوبر يا عظيم ..
ما زال المنظر والمشاهد على المسرح .. تزيد عليها ..
فروع النخيل الخضراء تحملها مجموعة من الفلاحات
تخفت الأضواء .. ويختفى الكورس .. ليظهر المطرب
الأول .. فى النشيد
(على الحجار .. أو غيره ..)

المطرب : يارمز كل نضال .. وكفاح ..
يا صورة أغلى .. عمل ونجاح ..
لكل جندى .. حمل له سلاح ..
وكل مصرى .. بنى .. وفلاح ..

الأرض كانت .. ناشفة وصحراء ..

زرعناها .. وصبحت خضراء ..

يا ٦ / أكتوبر .. يا عظيم ..

تندفع قوافل الكورس .. بعد غناء المطرب .. لتردد .. من وراءه ..

الكورس : وفي كل عام .. بتعود الذكرى ..

بفرحة حلوة .. وأمل لبكرة ..

ده يومنا ده .. يوم العمل ..

ده يومنا ده .. يوم البطل ..

يا ٦ / أكتوبر يا عظيم ..

يضاء المسرح .. وتشتع الأنوار .. ويسمع صوت غناء عربى

خافت .. وبشخصيات عربية .. تتعانق فى ونام ..

وصورة الرئيس حسنى مبارك ترتفع على حافة المسرح

المطربة الأولى (ترتدى ثياب عربية .. رمزاً للوحدة العربية)

وتردد من النشيد :

المطربة الأولى: استقرار الأمن أمان ..

التنمية .. لخير أيام ..

بترباط عربى .. ووثام ...

ضميتهم فى حضن حنان ..

يا مبارك يارئيس يا عظيم ..

يا أمجد يوم فى التاريخ ..

يدخل الكورس .. ليردد :

الكورس : وفى كل عام .. بتعود الذكرى ..
بفرحة حلوة .. وأمل لبكرة ..
ده يومنا ده .. يوم العمل ..
ده يومنا ده .. يوم البطل ..
يا ٦ / أكتوبر يا عظيم ..

يظهر تاريخ مصر الفرعونية .. الأهرام / خفرع / خوفو /
منقرع .. الفنون ... الأداب .. بانوراما .. مرئية .. للحضارة
المصرية .. القديمة والحديثة .. (خريطة مصر ..)

المطربة الثانية: دى مصر دى .. هى اللى فى فكرك ..
أديتها كل حلوة عمرك ..
تاريخها .. حضارتها .. أصالتها ..
أراضيها .. مشاريعها .. وتراثها ..
وأدينا كل يوم بنزید ..
مجد وقوة .. ودنيا ودين ..
رجعت لنا .. مجد سنين ..
وكل ألوان الفنون ..
أمجاد مصر الفرعونية ..
خوفو وخفرع .. واخناتون ..
علم وفن .. ووحدة .. ودين ..
لشعوب الأمة العربية ..

يا ٦ أكتوبر .. يا عظيم ..
يا أمجد يوم فى التاريخ

يدخل الكورس ليردد القرار
صورة الرئيس حسنى مبارك
جيش كامل .. من الجنود .. بزيهم العسكرى .. يملأ المسرح ..
وصوت الرئيس وهو يردد :

صوت الرئيس حسنى مبارك :

الرئيس : إنه ليوم عظيم .. فى تاريخ مصر الخالدة .. يوم
حررنا أرضنا المقدسة .. واستعدنا سيناء الغالية ..
بالكفاح .. والبذل .. والعناء ..
الجنود تردد : الله أكبر .. الله أكبر ..
لك العزة .. يا مصر ..
لك العزة .. يا مصر ..

صوت الرئيس حسنى مبارك .. يستمر

الرئيس : لقد مرت علينا جميعاً .. سنوات عصيبة .. وأيام
قاسية .. واجهنا فيها كل صور المعاناة .. لأن
المصرى الأصيل .. لا يستطيع أن يبتسم .. وأرضه
محتلة .. وأن يسعد وإرادته مقيدة .. أو يأمن
والمصلحة الوطنية .. مهددة ..

الجنود مازالت على المسرح تحمل صورة الرئيس مبارك

تدخل مجموعة المطربين .. (٢ مطربة .. ومطرب)
يرددون معا .. المجموعة كلها :
(على الحجار - إيمان الطوخي - سوزان عطية)

المجموعة كلها : يا بطل النصر .. يا ابن مصر ..
يا كلمة واعينة .. لكل عصر ..
من يوم ما قلنا يا مبارك ..
ومصر بتزيد عزة ونصر ..
وكل كلمة تقولها تمام ..
قول وعمل .. مش بس كلام ..
يا مبارك يا رئيس .. يا عظيم ..
يا أمجد يوم فى التاريخ ..
تدخل أيضا مجموعة الكورس لتردد القرار ..

الكورس : وفى كل عام .. بتعود الذكرى ..
بفرحة حلوة .. وأمل لبكرة ..
ده يومنا ده .. يوم العمل ..
ده يومنا ده .. يوم البطل ..
يا ٦ / أكتوبر يا عظيم ..
المشهد يصور نسور أكتوبر .. وأصواتهم تردد :

الجنود : هذا المجد .. هذا الفخار ..
هذا الذى محا .. كل عار ..
يعود أكتوبر .. يعود .. يعود ..

بأمجاد نصر .. باثبات وجود ..
دليل عزم .. دليل صمود ..
مصر الأبية ..
كانت قوية ..
دوماً .. ودوماً .. كريمة قوية ..
وحققنا لمصر .. كل العهود ..
وعادت إلينا .. أرض الجدود ..
وجاء أكتوبر وجاء النصر ..
بشيراً .. بمجد .. لنا .. ولمصر ..
وبه عبرنا .. كل السدود ..
بإيمان وعزم .. سوف نسود ..
وسينا لمصر .. اليوم تعود ..
يا ٦ / أكتوبر يارمز الخلود ..

المطرب : أكتوبر .. ده يعنى تاريخ ..
حفرونسر .. بعزم جسور ..
الجيش .. والشعب المنصور ..
من ظلام الليل .. للنور ..
قاموا .. قومة شعب أصيل ..
شعب عربى .. سقاه النيل ..
مية حب ..
ونور إيمان ..

وعناية بركة .. من الرحمن ..
 ده شعب مصر .. كله جنود ..
 يحمي أرض .. الخير .. والجود ..
 وتانى يعود .. مجد الجدود ..
 فى أمجد يوم .. فى التاريخ ..

الكورس يندفع إلى المسرح ليردد

الكورس : وفي كل عام .. بتعود الذكرى ..
بفرحة حلوة .. وأمل لبكرة ..
ده يومنا ده .. يوم العمل ..
ده يومنا ده .. يوم البطل ..
يا ٦ / أكتوبر يا عظيم ..

المجموعة كلها تظهر على المسرح بحماس .. وأصوات جهورية

المجموعة : إحنّا شعب .. رجال ثوار ..
 إحنّا شعب .. رجال أحرار ..
 الحرية .. فى دم ولادنا ..
 الحرية .. لمجد بلادنا ..
 الانتفاضة الفلسطينية ..
 الانتفاضة الأكثورية ..
 والوحدة .. بأمة عربية ..
 ضمّتهم .. طابا المصرية ..
 وهى دى .. هى الحرية ..

يانعيش فى بلادنا أحرار ..
يانموت ثوار .. شهداء .. أبرار ..
فى أمجد يوم .. فى التاريخ ..

الكورس يدخل ويشارك المطربين والمطربات فى القرار

الكورس : وفى كل عام .. بتعود الذكرى ..
بفرحة حلوة .. وأمل لبكرة ..
ده يومنا ده .. يوم العمل ..
ده يومنا ده .. يوم البطول ..
يا ٦ / أكتوبر يا عظيم ..

من الخلف .. جنود فلسطينيون .. وشعب يرتدى الزى
الفلسطينى .. وصورة ياسر عرفات
الجميع : شعوب عربية ..
وحدة متكاملة ..

لوحة كبيرة تظهر .. وعليها صورة للنماء مكتوب عليها
٦ / أكتوبر / طريق الرخاء ..
الصوت فقط .. مع الموسيقى ..

سـيـناء .. سـيـناء ..
إلى طريق الرخاء ..
بالخصب .. بالنماء ..

بالتعمير .. بالبناء ..
بسواعد رجال أوفياء ..
بدعاء .. ودعاء .. ودعاء ..
أن تزدد خيراتك ..
وتزدهر جنبااتك ..
وتخضر .. جناتك ..
وتثمر .. ثمراتك ..
فى أرضك .. فى مزارعك ..
وتنتج .. وتنتج مصانعك ..
من تبر خاماتك ..
وترفع راياتك ..

• • • • •

عمار سيناء ..
الشباب .. التنمية .. الزراعة
صورة بانورامية .. للنماء .. والرخاء بسيناء ..
صوت عميق يردد ..
الصوت فقط .. صهوة التعمير . الكبرى ..
فتيات يظهرن .. بالملابس البيضاء والخضراء ..
وأشجار النخيل .. والورود .. والزهور
والصوت يردد :

الجميع :

بالحب .. بالسلام ..
على مدى .. الأيام ..
وأنت أنت ..
ياكل الحب ..
سيناء .. يا حبيبة القلب ..
يا عزيزة .. يا غالية ..
يا صامدة .. يا نامية ..
يا أحلى كلام ..
يا أرض السلام ..

نهاية



من هس لوسى يعقوب

ولماذا سميت بنت سيناء



الكاتبة / لوسى يعقوب

« بنت سيناء »

- رائدة من رائدات الفكر الإنسانى .. !
- أدبية شاملة من أدبيات وكاتبات (جيل الوسط) .. !
- وهبت حياتها لرسالة الفكر .. والقلم .. !
- لها العديد .. والعديد .. من المؤلفات فى القصة .. والرواية .. والشعر والترجمة .. والتراجم والدراسات الأدبية .. وأدب الأطفال .. !
- عضو مجلس إدارة النادى الثقافى المصرى (ومسئولة النشاط الثقافى) .
- عضو نشط فى الأنشطة والهيئات الثقافية - المحلية والعالمية !! اتحاد الكتاب- جمعية الأدباء نادى القصة - جمعية الكاتبات المصريات .
- حائزة على العديد على العديد والعديد من شهادات التقدير وكؤوس الريادة فى التبادل الثقافى من الهيئات المحلية والعالمية .. !
- المستشار الثقافى لجمعية الصداقة المصرية الهندية .
- حائزة على (نوط الامتياز لأدب المعركة من المجلس الأعلى للفنون والآداب عن مجموعتها القصصية (عذراء سيناء) .. والتي قدمت منها ألفين نسخة لأبطال أكتوبر .
- أول امرأة تدخل أراضيها المحررة بسيناء .. عند الإستلام والتسليم !.
- حائزة على (درع سيناء) بصفتها الوطنية - (بنت سيناء) !!
- كتابها (العودة إلى سيناء) يحكى قصة العودة كاملة .. (دار المعارف) حائزة على شهادة الريادة للمرأة من نقابة الصحفيين عام ١٩٨٤ .

- تتبنى قضايا المرأة .. وأهم أعمالها .. (المرأة وعصر التنوير) (والمرأة فى المجتمع) و (المرأة .. وآفاق المستقبل) .

- لها مدرستها الفكرية المعروفة .. !


- للشباب قدمت سلسلة (الشباب والحياة - والطفل والحياة) .. !

- لها ندوتها الأدبية المعروفة (ندوة لوسى يعقوب الأدبية) .. والتي أخرجت بها جيلاً من الأدباء الشبان فى القصة والرواية والشعر .. وأصدرت لهم كتابهم الأول فى حياتهم (١٠ أدباء شبان) !! وباستمرارية فى العطاء من ندوتها الأدبية بالنادى الثقافى المصرى .

- تواصل رسالتها الفكرية والأدبية بالمشاركة الفعالة فى قضايا الوطن .. !!
وتقديم شهادات التقدير لمن قدم عطاءه خالصاً للوطن المفدى !

راهبة فى معبد الفكر

- مؤلفاتها تزيد على السبعين مؤلفاً .. ! (الأدب الشامل) .



لماذا سميت الكاتبة / لوسى يعقوب (بنت سيناء) ؟

- صاحبة رسالة فكرية / وطنية هادفة .. !

- تبتلت فى محراب الكلمة حتى أطلق عليها (راهبة فى معبد الفكر) .. !

- الفكر والأدب موهبة ونفحة سماوية ولدت معها منذ الصغر حتى أطلق عليها (ولدت والقلم فى يدها) .. !

- تكتب القصة والشعر منذ الطفولة المبكرة .. برواية «فارس الأحلام» .. !

* * * * *

العمل :

- فتاة عاملة تجند نفسها لكل مشروع حيوى جديد تهب فيه من نفسها وجهدها ماتبذل !!

- بدأت بمشروع (الحديد والصلب - منذ عام ١٩٥٥ - وحتى عام ١٩٦٠ - حتى افتتح مصنع الحديد والصلب واكتمل الهدف !.

- نقلت نشاطها إلى شركة سيناء للمنجنيز منذ تاريخه وحتى تاريخه كانت مسئولة عن استيراد مشروع الفيرو منجنيز (استيراد مهمات مصنع الفيرو منجنيز بأبى زنيمة بجنوب سيناء حتى اكتمل المصنع وجاء يوم الافتتاح وجنى الثمر - يونيو ١٩٦٧) وسلب منها هذا الجهاد .. بعدوان ٦٧ - فثار منها القلم الوطنى الثائر ! وجددته للمعركة - وجددت نفسها لأدب المعركة .. ولجريدة المعركة - تلك الجريدة اليومية التى كان يصدرها الأديب عبد المنعم الصاوى من نقابة الصحفيين - فكانت تكتب فيها نداءات لشحذ الهمم ورفع الروح المعنوية بين العاملين فى المصانع والمناجم وكانت تقوم بنوزيعها يوميا كموزع الجرائد - وتطوعت بدمائها لشهادتنا الأبرار - (جمعية الهلال الأحمر) - وأرسلت مجموعات القصصية والشعرية وأعمالها الأدبية إلى جنودنا وأبطالنا فى المعركة .. وجددت قلمها لخدمة المعركة بكتاباتها - مذكرات فتاة عاملة التى كانت تنشرها فى «التحرير» تحارب بها السلبيات غير المتعايشة مع أحداث الوطن .. ! وأصبحت نارا تشتعل غيرة ووطنية على ذلك العمل والأرض السلبية التى

فقدت منها .. شعرا وقصة .. وأطلق عليها (بنت سناء) .. كقلم أدبى
وطنى صادق (وسجلت هذا الإسم تسجيلاً رسمياً) .

- وعادت سناء - فكانت فرحة العودة بإصدار قرار من محافظ سناء
بمسئوليتها عن الإعلام بجنوب سناء .. وكانت أول عنصر نسائي وحيد
يدخل مع قافلة الاستعلامات وحضرت بنود الاستلام والتسليم .. وواجهت
الغاصبين وشهدت انسحابهم الخاذل .. لتسجله تسجيلاً واقعياً !..

- وبدراستها وتجنيد كل أجهزة الإعلام بتعريف الأرض العائدة .. كان لها
دور خلاق .. حتى عادت سناء كاملة ... وحتى عادت آخر بقعة طاهرة
فيها (طابا) وسجلت كل هذا فى دراساتها الأدبية وأعمالها . بروح وطنية
مصرية . هى روح (بنت سناء) .

- ولتتخرج أخيراً (مديراً عاماً بشركة سناء للمنجيز) !..
ثم لتواصل رسالتها الأدبية وتتفرغ لها (قضايا المرأة - قضايا الشباب
- قضايا الطفل .. فرسالة الأدب .. ورسالة البذل والعطاء للوطن ..
لانهاية لها ..) !!!

أهم الأعمال الأدبية للكاتبة / لوسى يعقوب :

عذراء سناء .. (مجموعة قصصية كتبت من واقع أحداث أكتوبر المجيد
وانفعالات المعركة بتعايش فعلى وعملى ووجدانى ..
وحازت عليها (نوط الإمتياز لأدب المعركة ١٩٧٤) من
المجلس الأعلى للفنون والآداب - ثم قدمت عدد ٢٠٠٠
نسخة من هذه المجموعة هدية لأبطال (أكتوبر .. فى
حينه) . (طبع المؤلفه) .

العودة إلى سيناء .. كتاب شامل يصور العودة إلى سيناء . وفرحة الانتصار
وتصوير لرفع علم مصر خفاقاً في شرم الشيخ بجنوب سيناء -
كتاب الإرض والتريخ - ودخول (بنت سيناء مع أول فوج
من أفواج النصر والإستلام والتسليم كعنصر نسائي وحيد ..
بصفتها الإعلامية (قرار مسئولة الإعلام - محافظ سيناء -
(كتاب من الأدب الجغرافى) - (دار المعارف) !!..

مغامرة فى جبال المنجنيز .. كتاب لطفل المستقبل - يقدم له صورة بانورامية
صادقة لكنوز سيناء ولجبال المنجنيز - وكيفية استغلال هذا
التبر فى تصنيفه وتفتيت صخوره وكيفية توصيله إلى المنجم
- بمعلومات فعلية من واقع عمل المؤلفة كمسئولة بسيناء
للمنجنيز !!

أمجد يوم فى التاريخ .. رواية كاملة تحكى وتصف وتصور حرب الساعات
الست وخبايا المعركة الفاصلة وكيفية الاستعدادات من واقع
الدراسات العسكرية فى صورة بطل المعركة - ومن خلال
أحداث وواقع حقيقى لبطولات وأمجاد أكتوبر تصور سيناء
أرض المستقبل - تصور كيفية دعوة الشباب إلى الانتماء
للأرض لجيل المستقبل وأرض التنمية والبناء !! (هيئة
الكتاب) !!

رحلة إلى جنوب سيناء .. معالم سيناء كاملة ، مناخها ، إرضها ، جبالها ،
وديانها ، خاماتها ، محمياتها ، رأس محمد ، قلعة صلاح
الدين ، طابا ، إلخ .

مسرحية / ورجعنا لك تانى يا سيناء .. مسرحية فولكلورية من واقع خيام البدو
تصور سيناء الجريحة وسيناء الظافرة - من واقع عمل وتعايش
بنت سيناء .. لوسى يعقوب .

- رحلة إلى قلعة صلاح الدين .. رحلة علمية للأطفال .. تحكى وتصور تاريخ ..
 وخبايا وأسرار قلعة صلاح الدين بجزيرة فرعون بسيناء .
- مغامرة في قاع البحر .. مغامرة مثيرة . فى ، رأس محمد ، علمية ثقافية
 للأطفال تصور كنوز .. رأس محمد .. وأنواع الأسماك ..
 والشعب المرجانية .
- زيارة لمصنع الفيرو منجنيز .. معلومات .. ودراسة علمية ، لمصنع الفيرو
 منجنيز ، مبسطة للطفل .. ورجل المستقبل .

بيانات إعلامية

- لوسى يعقوب كاتبة ، أدبية ، مترجمة ، باحثة ، عديد من الدراسات والمؤلفات ، ومايزيد على ٣٠٠ تحقيق صحفى - ٢٠٠ دراسة أدبية - و٧٠ مؤلفا (عضو اتحاد الكتاب) وجمعية الكاتبات المصريات .
- ثقافتها .. أمريكية شاملة الدراسات التجارية والأدبية .
- حاصلة على دبلوم صحافة (ساهمت فى إنشاء وتحرير مجلة الحديد والصلب من عام ١٩٥٥ - ١٩٦٠) .
- عملت بإعلام السفارة الأمريكية / Usis of Press / ٦٠ / ٦١ / ١٩٦٢ .
- ساهمت بقلمها لمحاربة السليبيات فى معركة ٦ أكتوبر فى جميع الصحف والمجلات المصرية . واشتركت فى توزيع (جريدة المعركة التى كانت تصدر من نقابة الصحفيين - وتبرعت بدمائها لشهداء أكتوبر ، كما تبرعت بعدد ٢٠٠٠ نسخة من كتابها ، عذراء سيناء ، لأبطال أكتوبر .
- حائزة على نوط الإمتياز للإنتاج المتميز فى أدب أكتوبر من المجلس الأعلى للفنون والآداب .. وكأس الجدارة فى التبادل الثقافى .
- حائزة على عديد من الكؤوس وشهادات التقدير فى الأعمال الأدبية والإعلامية .
- انتدبت بإعلام المرأة باللجنة المركزية بقرار (شخصيات عامة)


(٧٦/٧٥/٧٤) .

- عملت محررة فى مجلة أمانة المرأة العربية - (٧٤/٧٥/٧٦) .
- عملت محررة فى مجلتى (مجلة أمانة المرأة ، ٧٩/٨٠) .
- تكتب بجميع الصحف والمجلات المصرية .
- تساهم بقلمها فى خدمة قضايا الساعة .
- عضو عامل بجميع الأنشطة الأدبية والإعلامية (نادى القصة / جمعية الأدباء / المركز الثقافى الهندى / معهد جوتة .. إلخ) .
- اشتركت فى عديد من المؤتمرات المحلية والعالمية بدراساتها وقلمها .
- تغطى الأنشطة الاجتماعية والثقافية بالصحف والمجلات .
- عملت بهيئة تحرير مجلة « أرض السلام » .
- تكرر حياتها .. للخدمة العامة .. وتساهم مساهمة إيجابية .. فعالة .. فى جميع قضايا الوطن .. المرأة .. الطفل .. والشباب .
- القلم .. هو سلاحها ..
- تلقب باسم « بنت سيناء » .. وهو لقب أدبى أطلقته عليها الصحافة المصرية فى انطلاقة قلمها فى قضية تحديد المصير .. وعملها .. وكفاحها .. بسيناء !..




مبنى الشركة بمنطقة أبى زينة بجنوب سيناء





مصنع الفير ومنجنيز . . بأبى زنيمة « بجنوب سيناء »



علا المستكاوي (آخر ساعة) - محيى الدين فتحى (الأهرام) - ووفد إعلامى كبير

الأهرام الاقتصادية ١١/٦/١٩٦٥

الشرق للتأمين

للتأمين
١٩٣١

المراقبة والخبرة تضمن المرونة والشمول

خبراء الشرق للتأمين يستطيعون إعداد برامج
تأمينية متكاملة تعد خصيصاً لتناسبك




البنك العقاري المصري

أعرق البنوك المصرية

- ★ يقدم خدماته العديدة فى جميع المجالات
- ★ تمويل إقامة كافة المباني والمنشآت السكنية
- ★ تمويل شراء الوحدات السكنية والتجارية والإدارية
- ★ تمويل إقامة المنشآت السياحية (فنادق / قرى سياحية)
- ★ تمويل إقامة المدارس والمصانع والمستشفيات
- ★ تمويل تملك الأراضى الزراعية وتطوير المشاريع الزراعية
- ★ تمويل مشروعات الأمن الغذائى والثروة الحيوانية والسمكية

شهادة الإستثمار العقاري



دفتر توفير الإسكان



المركز الرئيسى : ١١ ش الشهيد - ميدان مصطفى كامل - قصر النيل - القاهرة


ت : ٣٩١١٦١٤ - ٣٩١١٩٧٧ - ٣٩١٠١٩٧

٣٣٤٠٤ : ت	القازيق : برج على زكى أمام محافظة الشرقية	٣٩٣٤٤٢٨ : ت	قاهرة : ١٠٦ ش محمد فريد
٣٣٣٣٥ : ت	الأقصر : ش محمد فريد - الأقصر	٤٥٢٩٤٦٦ : ت	قصر الجديدة : ١٤ ش الخليفة المأمون
٣٣٢٦١ : ت	المنيا : ٤١ ش محمود حسين	٥٥٥٩٤٢٥ : ت	حلب : ٢٩ ش راقب
٤٤٢١٤٥ : ت	الغردقة : المركز التجارى بالسقالة	٩٣١٠٨٠ : ت	عمرسى مطروح : ش الشاطئ بجوار فندق بلير
٢٢٠٩١١ : ت	بورسعيد : ١ ش محمود مختار سعيد	٤٨٣١٠٣١ : ت	إسكندرية : ١٣ ش طلعت حرب
٣٢٢٤٣٤ : ت	الاسماعيلية : مساكن الألب بجوار معسكر الجلاء	٣٤٣٣٩٦ : ت	المنصورة : ١٠١ ش الجمهورية



شركة سيناء للمنجنيز

التاجناتيزو العالم



الادارة : ١ ش قصر النيل — القاهرة

ت : ٥٧٤٠٢١٧ — ٥٧٤١٠٩٦ — ٥٧٤١٩٤٠ فاكس : ٥٧٤٠١٤١٢

صرح صناعى عملاق فى العالم العربى



هذه المسرحية

تمثل .. الصمود .. والإصرار .. والكفاح ..
لرجال أبطال .. قدموا أنفسهم .. رخيصة .. فى سبيل تحرير
الأرض .. واسترداد كرامة الإنسان المصرى .. ؟
هذه المسرحية .. تمثل الغدر .. والخيانة .. الوفاء .. والأمانة ..
للأرض .. للعمل .. للوطن .. هذه المسرحية .. تمثل المعاناة الأليمة فى
فترة الانكسار .. والسعادة القصوى .. بفرحة الانتصار ..
هذه المسرحية .. بانوراما حية .. للمجتمع السيناوى البدوى
والحضرى .. إنها صورة رائعة .. للقصة الإنسانية الخالدة .. قصة تحرير
سيناء .. حفرت بحروف من نور .. فى سجل التاريخ .. ؟

• • •

مسرحية .. ورجعنا لك تانى يا سينا ..
تمثل . المعنى .. والذكرى والتاريخ ..
تمثل .. المكان .. والزمان .. والإنسان لتحفر بحروف .. من نور ..
ذكرى رفع علم مصر خفاً .. على شرم الشيخ بجنوب سيناء فى
١٩٨٢/٤/٢٥ - تمثل المرحلة الانتقالية التى مرت بها سيناء الغالية ..
من الانكسار .. إلى الانتصار .. كتبت من الواقع الحى .. الملموس ..
بقلم .. عاش .. وتعايش .. مع معاناة المحنة .. ومع نشوة الفرحة ..
يسجل .. هذه المسرحية بكل ارهاصات ومشاعر .. أدبية .. هى بنت
سيناء ..

• • •